

# საქართველოს პარლამენტი.

მე-სტენოგრაფიული ანგარიშით

## 51 სხდომა.

პარასკევი, ოქტომბრის 25, 1918 წ. ტფილისი. სასახლე.

თავმჯდომარეობს საქართველოს პარლამენტის თავმჯდომარის ამხანაგი ექვთიმე თაყაიშვილი.

მდივნობს პარლამენტის მდივნის ამხანაგი იოსებ აბაკელია.

პრეზიდიუმშია პარლამენტის თავმჯდომარის ამხანაგი იესე ბარათაშვილი.

კრება იხსნება ნაშუადღევს 12 საათსა და 45 წუთზე.

**თავმჯდომარე.** საქართველოს პარლამენტის კრება გახსნილი ვახლავთ. მდივანი მოგახსენებთ დღიურ წესრიგს.


**ი. აბაკელია.** (კითხულობს):

**სომხეთის დიპლომატიური წარმომადგენლის წერილი საქართველოს პარლამენტის თავმჯდომარისადმი.**

სომხეთის დიპლომატიურმა წარმომადგენელმა საქართველოში ბ. ჯამალიანმა შემდეგი წერილით მიმართა საქართველოს შინაგან საქმეთა მინისტრს:

„გთხოვთ ბ. მინისტრო, ქვემოთ მოყვანილი ჩემი წერილი გადასცეთ საქართველოს პარლამენტის თავმჯდომარეს“.

მ. ხ. ბ. თავმჯდომარეე საქართველოს პარლამენტისა! იმ აუტანელ და უბედურ დღეებში, როცა ქ. ბაქოში სისხლის ვაქანალია ხდებოდა და რომელმაც ათასობით იმსხვერპლა ბაქოში მცხოვრები სომხები—მოქალაქე ქართველებმა დიდი კაცთმოყვარეობა და ჰუმანობა გამოიჩინეს, სიკვდილს გადაარჩინეს სომეხთა ბევრი ოჯახი. იმ სომხების მცირედი რიცხვი, რომელსაც ესლა ტფილისში ჩამოსვლის საშუალება მიეცათ, ერთხმად ადასტურებენ, რომ არა თუ ქართულმა ეროვნულმა საბჭომ ბაქოში, არამედ თვითეულმა პირებმაც კი ამ დახმარებაში ღირსეული სიმტკიცე და თავგანწირულება გამოიჩინეს სისხლით გამსჯელებული ბოროტების წინაშე. ჩემს ზნეობრივ მოვალეობათ მიმაჩნია დაგიმოწმით თქვენ, ქართველ ხალხს მადლობის გრძნობა, რომლითაც აღვსილი არიან სომხები, განურჩევლად იმისა, სადაც არ უნდა იყვნენ ისინი, ქართველი ხალხის მიმართ, მისი შვილების მიერ ასეთი თანაგრძნობის გამო; გთხოვთ ბ. თავმჯდომარეე, ამ ჩემი წერილის შინაარსი პარლამენტს გავცნოთ. ასევე ი ფაქტები, ბ. თავმჯდომარეე, კიდევ ხაზს უსვამს იმ არა ხეკვო და





ახლო დამოკიდებულებას ორ მეზობელთა შორის, რომელსაც შექმნილი ვარ, ვერ შესცვლის ვერავითარი ხელოვნური შექმნილი, რომელთაც ქმნიან მშვიდობიანი მეზობლობის და ერთა საერთო კულტურული აღმშენებლობის მტერნი.—ხელს აწერს ა. ჯამალიანი.

**შემოსულ კანონ-პროექტის კომისიებში გადაცემა.**

**ი. აბაკელია.** (კითხულობს) კომისიებში გადასაცემ კანონ-პროექტების სია.

**1. ფინანსთა და ვაჭრობა მრეწველობის მინისტრის კანონ-პროექტი** სამთო სამმართველოს დროებითი შტატისა და 1918 წლის ხარჯთაღრიცხვის შესახებ.

გადაეცეს საფინანსო კომისიას.

**2. ქართველ ისრაელთა ინტერპარტიულ საბჭოს და „აგუდათ ისრაელ“-ის საზოგადოების განცხადება** შესახებ ისრაელ ქართველთა წამომადგენლების არჩევის პარლამენტის წევრებად.

გადაეცეს სამანდატო კომისიას.

**დღიური წესრიგი.**

**1. სამანდატო კომისიის მოხსენება რუსთა და ებრაელთა ეროვნულ უმცირესობათა წამომადგენლების არჩევის შესახებ.**

მომხსენებელია პარლამენტის წევრი **შალვა მიქელაძე.**

**2. საბოლოო ტექსტი ფინანსთა და ვაჭრობა მრეწველობის მინისტროს ცენტრალურ შტატების კანონისა.**

მომხსენებელია პარლამენტის წევრი **სამსონ ფირცხალავა.**

**3. კანონ-პროექტი.** შავი ზღვის სანაპირო რეისის გზის დამთავრების შესახებ.

მომხსენებელია პარლამენტის წევრი **იოსებ გობეჩია.**

**დებულება.** დამფუძნებელ კრების არჩევნებისა და ხარჯთაღრიცხვა.

მომხსენებელია პარლამენტის წევრი **ალექსანდრე ლომთათიძე.**

**5. კანონ-პროექტი** საბაჟო დაწესებულებებში საკანცელარიო გადასახადის შესახებ.

მომხსენებელია პარლამენტის წევრი **დავით შარაშიძე.**

**6. კანონ-პროექტი.** გარეშე საქმეთა სამინისტროს შტატებისა და ხარჯთაღრიცხვისა.

მომხსენებელია პარლამენტის წევრი **დავით ონიაშვილი.**

**7. კანონ-პროექტი** სახელმწიფო ქალაქების მბეტდავ ექსპედიციის ხარჯთაღრიცხვისა.

მომხსენებელია პარლამენტის წევრი **დავით ონიაშვილი.**

**8. კანონ-პროექტი** აგრარულ რეფორმისათვის საჭირო სტატისტიკის მოწყობის შესახებ.

მომხსენებელია პარლამენტის წევრი

**9. დამოუკიდებელ ეროვნულ დემოკრატიულ ფრაქციის შეკითხვა** მთავრობისა და სახელმწიფო კონტროლიორისადმი 30 მილ. სალიკვიდაციო ფონდის შესახებ.

**10. პარლამენტის წევრის ალექსანდრე ახმეტელის მთარობისადმი**



**შეკითხვა** თბილისში უცხო სახელმწიფოს შეიარაღებულ რაზმის არსებობის შესახებ.

**პარლამენტის წევრთა ნიკოლოზ თარხანოვის და ლეონ თუმანოვის იუსტიციის და შინაგან საქმეთა მინისტრისადმი** **შეკითხვა**—სასამართლოს განუსჯელად პოლიტიკურ პატიმართა ბუღუ მღივანის და სხვათა სატუსალოში უბრალოდებულოდ დამწყდების შესახებ.

**თავმჯდომარე.** ამტკიცებთ თუ არა წესრიგებს?

**წესრიგისთვის.**

**ალ. ლომთათიძე.** წესრიგის შესახებ შეიძლება?

**თავმჯდომარე.** ბრძანეთ.

**ალ. ლომთათიძე.** (ს. დ.) მე წინადადება შემოვიტანე ამ საკითხის შესახებ, რომ სამანდატო კომისიის მოხსენება შესამე პუნქტათ დაისვას. მით უმეტეს, რომ პარლამენტმა უკანასკნელ კრებაზე დაადგინა პირველ საკითხად მოისმინოს კანონ-პროექტი სანაპირო რკინის გზაზე, მეორე საკითხად დამფუძნებელი კრების არჩევნების დებულება. ამიტომ წინადადება შემომამქვს ეს მოხსენება სამანდატო კომისიისა მესამედ დაისვას.

**თავმჯდომარე.** ვის სურს სიტყვა ამის შესახებ? თუ მსურველი არარის უყრი კენქს. ვინ არის მომხრე რომ პირველი საკითხი გადაიტანოს მესამე საკითხად? ვინ არის წინააღმდეგი? მაშასადამე მიღებულია. პირველი საკითხი დაისმება მესამედ. შეკითხვა არის შემოტანილი რომელიც იუსტიციის სამინისტროს ეხება. (მღივანი კითხულობს) სიტყვა ეკუთვნის პარლამენტის წევრს თარხანოვს.

**თავმჯდომარე.** თხოულობს, რომ სასწრაფოდ იქნეს გარჩეული ეს შეკითხვა. \*)

**თავმჯდომარე.** სიტყვა ეკუთვნის ბ. ნინიძეს. ამ შემთხვევაში ერთ მომხრეს ეძლევა სიტყვა, მეორეს მოწინააღმდეგეს. თქვენ წინააღმდეგი ბრძანდებით?

**კირილე ნინიძე.** (ს. დ.) დიახ, ჩვენი ფრაქცია წინააღმდეგია, რომ ეს შეკითხვა იქნეს სასწრაფოდ ცნობილი.

საქმე იმაშია, რომ ის საბუთი რომელიც წამოაყენა ბ. თარხანოვმა, ვერ ჩაითვლება სერიოზულ საბუთად. იმან წამოაყენა ორი საბუთი: ერთი ის, რომ ხდება ადმინისტრაციული დატუსაღებაო, ეს შეეხება ჩვენ პარლამენტს და სახელმწიფოს წყობილებას. თუ რამე უკანონობა არის როგორც სისტემისა, ეს იქნება ჩვეულებრივი წესით განხილული. აქ არაფერი საჩქარო არა არის რა.

რაც შეეხება იმას, რომ დატუსაღებული შიმშილის გამო განიცდიან ერთგვარ საფთხეს, აქ უნდა მოვახსენოთ ბ. თარხანოვს, ეს რომ მთავრობის მიზეზით იყოს, თავის თავად ცხადია, რომ მთავრობა არ აძლევდეს საჭმელს, ან აყენებდეს ისეთ მდგომარეობაში, რომ ჯანმრთელობას მოელოდეს რამე საფრთხე, ეს სულ სხვა არის მაგრამ როდესაც დატუსაღებულები მიმართავენ არა ლეგალურ საშუალებას, იმის მაგიერ რომ კანონიერი გზით ეძიონ თავისუფლების აღდგენა, ისინი მიმართავენ შიმშილობას და თავის ჯანმრთელობას აყენებენ საფრთხეში,

\*) სიტყვა წარმოთქმულია რუსულად. სტენოგრაფით არ ჩაწერილა.



ეს არ ჩაითვლება სერიოზულ საბუთად. ამიტომ ჩვენ წინააღმდეგი ვართ რომ ეს შეკითხვა იყოს სასწრაფოდ მიღებული ვინაიდან შეიძლება იგი განხილული იყოს ჩვეულებრივი წესით.

**თავმჯდომარე.** კმათი მოსპობილია. კენკს უყრი სასწრაფოთ იქნეს მიღებული ესა თუ არა. (კენკის ყრა) მაშასადამე მიღებულია რომ ჩვეულებრივი წესით შეიძლება ამ კითხვის განხილვა.

**საბოლოო ტექსტი კანონისა ფინანსთა და ვაჭრობა-მრეწველობის სამინისტროს ცენტრალურ დაწესებულებათა შტატებისა.**

მომხსენებელი გახლავთ პარლამენტის წევრი ფირცხალავა.  
**ხაშოს ფირცხალავა.** პირველი მუხლი. აქ შეცვლილი არის მხოლოდ ერთი სიტყვა. ნაცვლად შტატებისა ნათქვამი არის შტატი. მრავლობითი რიცხვი შეცვლილია მხოლოდ ერთ რიცხვით. ჩვენი რედაქცია ასეთი ხასიათისა არის. (კითხულობს).

**კ ა ნ ო ნ ი**

**ფინანსთა და ვაჭრობა-მრეწველობის სამინისტროს ცენტრალურ დაწესებულებათა შტატისა.**

1. დამტკიცებულ და ამა 1918 წლის ივნისის პირველიდან შემოღებულ იქნეს ამ კანონთან დართული ფინანსთა და ვაჭრობა-მრეწველობის სამინისტროს ცენტრალურ დაწესებულებათა შტატი.

მეორე მუხლი უცვლელად არის მიღებული.

გადაიდოს სახელმწიფოს თანხიდან ამ კანონის პირველ მუხლში აღნიშნული შტატისათვის შევიდეს ოცდა თოთხმეტი ათას ოთხასი (734.400 მან. შემდეგის განაწილებით): 1) მოსამსახურეთა ჯამაგირისათვის—სამას ოცდამეიდი ათას ექვსასი (327.600) მან. 2) იურიდიული რჩევისათვის შეიდი ათასი (7000) მან. 3) სახელმწიფოს ბანკის ტფილისის კონტორის კომისარისათვის ხუთი ათას ცხრას ოცდა ათი (5950) მან. 4) სახელმწიფოს ბანკის სოხუმის განყოფილების კომისარისათვის სამი ათას სორმოცდა ათი (3150) მან. 5) საკანცელარიო ხარჯისათვის თოთხმეტი ათასი (14000) მან. 6) სასტამბო ათი ათას ხუთასი (10.500) მან. 7) ბინისათვის თერთმეტი ათას ორასი (11.200) მან. 8) გათბობა განათებისა და სხვა სამეურნეო ხარჯისათვის ოცდაერთი ათასი (21.000) მან. 9) ინვენტარის შესაძენად სამი ათას ხუთასი (3500) მან. 10) საგზაო ხარჯისათვის ათი ათას ხუთასი (10.500) მან. 11) მინისტრის განკარგულებაში მოაულოდნელ ხარჯისათვის თოთხმეტი ათასი (14.000) მან.

**თავმჯდომარე.** სვტყვა ეკუთნის პარლამენტის წევრს იოსებ გობეჩიას.

**იოსებ გობეჩია.** (ს. რ.) პატონებო, პარლამენტის წევრო!

შავიზღვის სანაპირო რკინის გზის დამთავების შესახებ კითხვა პირველად აღძრული და გადაწყვეტილი იყო საბოლოოდ გზათა კომისიაში, შემდეგ განხილულ იქნა საბიუჯეტო, საფინანსო, იურიდიულ და გზათა კომისიების შეერთებულ ხსლომაზე. მოკლე ისტორია შავი ზღვის სანაპირო რკინის გზისა არის შემდეგი.



ეს გზა უნდა გაკეთებულიყო ტუაპსემლის დაწყობილი ახალ-სენაკამდინ. გზის სიგრძესა უდრის 329 ვერს. ეს გზა იყო გაცემული კონცესიით ძველი რეჟიმის დროს, რუსეთის მთავრობის მიერ, ეს კონცესია აიღო აქციონერთა საზოგადოებამ, დაარსდა კერძო კაპანია, და აკციონერების საშვალეებით იყო ამორჩეული გამგეობა. გზის გაკეთება უნდა დაწყებულიყო 1914 წელს და უნდა დამთავრებულიყო 1917 წ. როდესაც დაიწყო მსოფლიო ომი, მაშინ ამ გზას უფრო მეტი მნიშვნელობა მიეცა და რუსეთის მთავრობამ დიდი სუბსიდიაც უძღვნა კერძო კამისიას, რომ სტრატეგიული მიზნით, ეს გზა საჩქაროდ ყოფილიყო დამთავრებული. ბევრი რამ იყო გაკეთებული, რომ ეს გზა ყოფილიყო დამთავრებული. მაგრამ ამ დროს, გამოცხადდა რუსეთის დიდი რევოლუცია და ამ საქმის დამთავრება შეფერხდა დაარსდა უმთავრესი რკინის გზის კომიტეტი, რომელმაც გადაქვა ამ სააკციონერო კერძო კაპანიის გამგეობა და ეს გზა ჩაიგდო ხელში. მაგრამ რაც შეეხება თითონ გზის დამთავრებას მის ამენებას, ამის შესახებ არავითარი მუშაობა არ სწარმოებდა. მდგომარეობა შეიქმნა ისეთი, რომ ეს მასალები საწყობები და ქონება, რომელიც აუარებელი იყო, — იფლანგებოდა, და მუშები გზის მუშაობას ვერ ახერხებდნენ. ამ დროს, რადგანაც პირობები ასეთი იყო: ანარქია, ერთის მხრივ, მეორეს მხრივ არც საკმარისი ფული ჰქონდათ, რომ გზა გაეკეთებინათ, ეს მუშაობა შეჩერებული იყო. ამ დროს უმუშევრად დარჩენილი მუშები რომელთა ჯამაგირს არ აძლევდნენ იმ შემთხვევებით, რომ ასეთი მუშაობა არ ეწარმოებინათ ჩვენ საქართველოს ტერიტორიაზე, ასეთი უმუშევრად დარჩენილი მუშები იყვნენ ბლომად. მეორეს მხრივ საქონელს კარგავდნენ, ფლანგავდნენ, ბევრი რამ იკარგებოდა. — ამიტომ, მთავრობის მიერ, გზათა მინისტრის მიერ, იყო აღძრული საკითხი, რომ მოეხდინათ ამ მანძილის ლიკვიდაცია, რომელიც შედის ჩვენ საქართველოს ტერიტორიაში და ჩაებაროს ეს გზა. მეორეს მხრივ იყო აღძრული საკითხი: როდის შეუძლიან მთავრობას დაამთავროს ეს გზა? მაგრამ მაშინ, ეს იყო სამი თვის წინ, საუბედუროდ, ეს საკითხი საბოლოოდ ვერ გადასწყდა, მხოლოდ გადასწყდა ერთი ნაწილი ამ საკითხისა, ლიკვიდაცია მოხელეებისა და მუშებისა, რომლებიც იყვნენ დარჩენილნი აქ. ბევრი მათგანი იყო მოსული სხვა და სხვა რუსეთის კუთხეებიდან. მუშების სალიკვიდაციოდ ჩვენმა მთავრობამ მისცა გზათა მინისტრს თვის განკარგულებაში ერთი მილიონი მანეთი, რაც შეეხება იმას, რომ ეს გზა დამთავრებულიყო, ეს საკითხი იყო გადადებული.

ამ რიგად, ეს ლიკვიდაცია მოხდა, მაგრამ უმთავრესი საკითხი, თუ ბატონ-პატრონი ვინ იქნება ამ გზისა, ვინ მოუვლის აუარებელ საქონელს, რომელიც დარჩა ეს საკითხი არ არის დღემდის გადაწყვეტილი.

უნდა მოვახსენოთ, როგორ მდგომარეობაში არის ეს გზა ამ შავიზღვის სანაპირო რკინისგზის დაყოფა შეიძლება სამ უმთავრეს უბნად. ერთს უნდა ეწოდოთ ტუაპსე-სოჭის უბანი, მეორე სოჭის-სოხუმის უბანი, მესამე იქნება სუხუმიდან ახალ-სენაკამდინ.

რაც შეეხება პირველ ნაწილს ამ გზისას-ტუაპსე სოჭის ნაწილს, ეს, თითქმის არის დამთავრებული და უკვე არის მიმოსვლა ამ გზაზე, მეორე ნაწილი-სოჭი სუხუმის ნაწილზე, თითქმის, მუშაობაც არ არის დაწყებული. ისეთი გეოლოგიური პირობებია მისი დამ-



თავრება ისეთ პირობებში არის ჩაყენებული, რომ ამ რკინის გზაზე მიმოსვლის დაწყებას დასჭირდება მეტი დრო, თითონ ბუნებრივი პირობები ამას ხელს არ უშლიან.

მესამე ნაწილი, სოქის ახალსენაკის ნაწილი, რომელიც შეადგენს 125 ვერს, ეს ნაწილი კი უფრო კარგ პირობებში იმყოფება, იმიტომ რომ დამბარკოლებელი ბუნებრივი პირობები არის ძალიან მცირე და ამ ნაწილზე ბევრი მუშაობა სწარმოებდა და თითქმის სამი მეოთხედი ამ გზისა უკვე გაკეთებული არის. რაც შეეხება მიწის მუშაობას, ხელოვნურ სხვა და სხვა მუშაობას—ამ ნაწილში, ამის გარდა, სხვა და სხვა ადგილებზე თითქმის ხიდების ხაფუძველიც არის გაკეთებული. ენლა უნდა მივაქციოთ ყურადღება იმას, რომ ახალ-სენაკის ნაწილზე 18 ვერსზე უკვე ლიანდაგი არის დაგებული და 20 ვერსის მანძილზე ახალ-სენაკიდან ზუგდიდამდის საჭირო არის მხოლოდ რელსების დაწყობა. ამ რიგად, როგორც მოგახსენეთ, უკვე სამი მეოთხედი მუშაობისა არის დამთავრებული და დარჩა კიდევ ერთი მეოთხედი იმისთვის, რომ ახლო მომავალში ახალ-სენაკიდან ზუგდიდამდის მაინც ჩვენ შევძლოთ გავმართოთ რკინის გზა და მატარებლების მიმოსვლა.

ორიოდე სიტყვით მინდა შევეხო იმას, თუ რამდენად ჩვენ დემოკრატიული რესპუბლიკა და ჩვენი მთავრობა უნდა იყოს დაინტერესებული იმაში, რომ ამ გზის ბატონ-პატრონობა და გამგეობა ჩივიდოს ხელში. საქმე იმაშია რომ, როგორც მოგახსენეთ, ბატონ-პატრონი არ სჩანს. ის გამგეობა კერძო კაპანისა, რომელთანაც ჩვენ შეგვეძლო დღეს რაიმე მოლაპარაკება გვექონოდა ამ რკინისგზის შესახებ არ სჩანს. იმ აქციონერების შეკრეფა, რომელიც ბატონ-პატრონი იყვნენ ამ რკინისგზისა შეუძლებელი არის. ეს ერთის მხრივ—მეორეს მხრივ, ჩვენ დიდი მოვალეობა გვაწევს, რომ ჩვენი ტერიტორიაზე გაკეთებული რაც არის იმას სჭირია მოვლა, პატრონობა, რომ არ ფაიფლანგოს, იმიტომ რომ ბოლოს და ბოლოს ჩვენ ვასუხის მგებლები ვიქნებით, რადგანაც ეს დარჩა ჩვენ ტერიტორიაზე ამის გარდა, დღეს ჩვენი მდგომარეობა ისე არის რომ ჩვენი მთავრობა და ჩვენ უნდა ვიყოთ იმაში დაინტერესებული, რომ რაც შეიძლება ჩქარა გვექონდეს ეს რკინისგზა. უნდა მოგახსენოთ რომ იქ არც რკინისგზა და არც მოსე არა გვაქვს უნდა ვისარგებლოთ და კავკეთით ჩქარა ის, რაც შეგვიძლიან. ჩვენი ინტერესები მოითხოვს ამას შეუდგეთ დღესვე. საქმე იმაშია რომ ამ გზით, თუ ჩვენ გავმართეთ მიმოსვლა სუბუმიანდინ, მაშინ ჩვენ გვექნება საშუალება, რომ აფხაზეთს პოლიტიკურად დაუახლოვდეთ და შეუკავშირდეთ, და ჩვენ გვექნება კულტურული კავშირი მათთან, ამას ექნება დიდი პოლიტიკური მნიშვნელობა. ამის გარდა ამას აქვს კიდევ ეკონომიური მხარე თქვენ კარგათ იცით, რომ ოჩემჩირის ახლო არის დიდი მალაროები-ქვანახშირისა. ეს არი დიდი სიმდიდრე, დღეს ტყვიბულის მალაროებში მუშაობა არ სწარმოებს, მეორეს მხრივ, ამ მალაროების ქვანახშირი უფრო გამოსადეგი არის და უფრო მეტი ღირებისა, არის ვიდრე ტყვიბულისა, ამიტომ ამ გზას დიდი მნიშვნელობა ექნება. როდესაც ეს გზა იქნება გაკეთებული, მაშინ ჩვენ გვექნება საშუალება ეს დიდებული სიმდიდრე გამოვიტანოთ. უმთავრესი ნაწილი ამ რკინის გზისა გაივლის შავი ზღვის პირზე და იქ ისეთი ნავთ სადგურები არის, რომელიც უფრო გამოსადეგი არის ვიდრე ფოთისა, სადაც, სხვა და სხვა ბუნებრივი მიზეზების გამო, ეს ნავთსა-

დგული კარგად ვერ შეგვიძლიან გამოვიყვანოთ ამ შავიზღვის ნაპირის ადგი-  
ლებზე კი მოიძებნება ნაეთ-სადგურები.

მე არ შეუდგები სხვა და სხვა ბევრ მნიშვნელობის ჩამოთვლას. ყველამ  
კარგაით იცის რა მნიშვნელობა აქვს რკინის გზას, ამიტომ ამაზე არ შევაჩერებ  
თქვენ ყურადღებას.

მინდა მოვახსენო ორიოდ სიტყვა იმის შესახებ, რომ აქ დასამთავრებელი  
დაგვრჩა მხოლოდ ერთი მეოთხედი. ხელოვნური მუშაობა თითქმის დამთავრე-  
ბული არის, მხოლოდ უნდა შეუდგეთ ეხლა მუშაობის დამთავრებას. ამის გარ-  
და ამიერ-კავკასიის რკინისგზები, როდესაც ჩვენ მოვახდინეთ ლიკვიდაცია და  
შტატები შევამცირეთ ბევრი უმუშაო რკინისგზის მუშები და მოხელეები დაგვ-  
რჩა. ჩვენ ვაქვს საშუალება, თუ შეუდგებით ამ რკინისგზის გატარებას, რომ-  
ლის დამთავრება არ მოითხოვს ბევრს დროს, აი ამ მუშებს უშოვნოთ სამუშაო  
და ჩვენი რესპუბლიკისთვის გამოვიყენოთ.

მხოლოდ აქ არის ერთი საკითხი, რომელზედაც მე მინდა შევაჩერო თქვე-  
ნი ყურადღება, საქმე ამაში არის, რომ ეს გზა იყო გაცემული ძველი რეჟიმის  
დროს რუსეთის მთავრობის მიერ. ტექნიკურად, პროექტი ამ გზისა უკვე იყო მა-  
შინ შემუშავებული და დამტკიცებული და ხაზი, ტრასი ამ გზისა, ტუაპსკმდინ და  
ახალ-სენაკამდე გადიოდა, იმგვარად რომ ეს გზა არ გადიოდა შიგ ქალაქ ზუგდიდ-  
ში და იყო მოცილებული ოთხ ვერსზე. როგორ მოხდა ეს და რისთვის მოხდა, მე  
ამაზე არაფერს ვიტყვი, ამის გარჩევის არ შეუდგები თქვენ კარგაით იცით, რომ  
სახოვადოდ, როცა რომელიმე კომპანია ან კონცესიონერები ირკვიდნენ გზას,  
უმთავრესად ქველი რეჟიმის დროს, ისინი არ ხელმძღვანელობდნენ მეცნიერულ  
გამოკვლევას. თუ ვინმე ადვილობრივ, იყო პირადად დაინტერესებული იმა-  
ში, რომ ეს გზა გასულიყო იმათ ადგილზე და მოცილებით ქალაქზე. გზა იქ  
გაჰყავდათ. ეს ტიპური მოვლენა გახლავთ იმ ქვეყნისა და ბევრ ასეთ მაგალი-  
თებს ჰქონდა ადვილი ძველი რეჟიმის დროს. ჩვენ ეფექტობთ, რომ ის ტრასი,  
რომელიც არის შემუშავებული და გატარებული, როგორც მოვახსენეთ ს.მ.  
მეოთხედი მუშაობისა უკვე არის დამთავრებული, ჩვენ ამას ყურადღება უნდა  
მივაქციოთ იმ მხრივ, რომ გზამ, თუ შესაძლებელი იქნება უნდა გაიაროს  
თვით ზუგდიდზე. ეს აუცილებლად საქარო იქნება ჩვენთვის და ჩვენ ამას დი-  
დი ყურადღება უნდა მივაქციოთ. იმიტომ, რომ თქვენ კარგაით იცით ბიცი, თუ  
რა მომავალი მოვლეს ქალაქ ზუგდიდს, როდესაც შავზე გაივლის რკინის გზა და  
როგორ აყვავდებიან ეს ადგილები, რომელიც არის ზუგდიდის ირგვლივ. მე მო-  
ვახსენებთ, რომ სამრეელოს მცხოვრებლები არიან დაინტერესებულნი, რომ იმათ  
ზუნებრივ მოახოვნელებას ჩვენ ჯეროვანი ყურადღება მივაქციოთ. როგორც  
უკვე მოვახსენეთ სამი მეოთხედი ამ გზისა უკვე გაცემული არის, ტრასი ამ  
გზისა არ გადის თითონ ზუგდიდზე, ამიტომ საქარო არის, რომ ჩვენმა პარლამენტმა  
და მთავრობამ ყურადღება მივაქციოს ამას. — დავალოს გზათა მინისტრს  
რომ სპეციალური კომისია გაგზავნილი იქნეს, რომელიც მოახდენს სპეციალურ  
გამოკვლევას იმის შესახებ, რომ ამ გზამ გაიაროს თვით ქალაქ ზუგდიდზე. ამის  
შესახებ ჩვენი გზის კომისიას არავითარი მასალა არ ჰქონდა და არ შეეძლო  
ეთქვა, რომ ეს გზა ქ. ზუგდიდზე ვერ გაივლოს და თქვენ ასეთ საბუთებს ვერ  
წარმოგიდგენთ. საქაროა მოითხოვოთ რომ ასეთი ტექნიკური კომისია იყოს  
დაასრულები, თუ შეიძლება ზუგდიდის მცხოვრებლებსაც მიიღოს მონაწილეობა  
ამ მუშაობაში, და მოკლე მომავალში ჩვენ გვიქნება ნამდვილი ქეშმარიტ მეც-



ნიერულ გამოკვლევაზე აგებული საბუთი, რომ ამ გზას შეუძლიან გაიაროს ქალაქ ზუგდიდზე და მაშინ დაგვეკირდება იმ ტრასის შეცვლა, რომელიც იყო შემუშავებული და დამტკიცებული რუსეთის მთავრობის მიერ. ეს ეხლა ჩვენ ხელთ არის და ამის შეცვლა ჩვენ შეგვიძლიან. თუ რაიმე მეტ ხარჯს მოითხოვს, მაინც და მაინც ეს ზეგრი არ იქნება და ამის დაკმაყოფილებას შევძლებთ.

აი ის მოკლე განმარტება მე მინდოდა მომეხსენებინა სანამ გაგაცნობთ იმ კანონ-პროექტს, რომელიც მიღებული არის სამ შეერთებულ კომისიის მიერ იურიდიულ, სტინანსო და საბიუჯეტო კომისიების მიერ (მიმართავს თავმჯდომარეს) ნება მიბოძეთ ეს კანონ-პროექტი წავიკითხო (კითხულობს).

**კანონ-პროექტი. შავი ზღვის სანაპირო რკინის გზის დამთავრებისა.**

1. დავალოს გზათა მინისტრს დაუყოვნებლივ მიიღოს თავის გამგებლობასა და განკარგულებაში შავიზღვის სანაპირო რკინის გზა, რომელიც ჯერ დამთავრებული არ არის, საქართველოს ტერიტორიის საზღვრებში.

2. რკინისგზის ამ ნაწილის მისაღებად, შესანახად და დასაცავად 1918 წლის 1 ოქტომბრიდან წლის დამლევაამდე მიეცეს გზათა მინისტრს აფინსად ხაზინიდან სამასი ათასი (300,000) მანეთი.

3. მიენდოს გზათა მინისტრს დაუყოვნებლივ შეუდგეს ამ გზის ნაწილის დამთავრებას ახალ-სენაკიდან ზუგდიდამდე და ამისათვის გაეხსნას მას კრედიტი სამი მილიონი სამას ათასი (3,300,000) მანეთისა, თანახმად ამ კანონთან დართული ხარჯთაღრიცხვისა. თვის განმავლობაში მოახდინოს გამოკვლევა ტრასის შეცვლისა, რათა ხსენებულმა რკინის გზამ გაიაროს ქ. ზუგდიდში.

აი ეს გახლავთ ოთხი მუხლი კანონ-პროექტისა.

**სამსონ დადიანი.** (ს. ფ. პარლამენტის წევრნო, თქვენ მოგეხსენებათ, თუ რა მიზნებით, რა განზრახვებით და რა გეგმებით შენდებოდა ძველ რუსეთში, თითქმის ყველა, რკინის გზა. მთავრობას ჰქონდა უმთავრესი მიზანი, ასე ვსთქვათ, ხანდის ხან სტრატეგიული ხანდისხან უმთავრესად თავისი აგრესიული პოლიტიკის საწარმოებლად. თქვენ წარმოიდგინეთ რომ ჩვენს ამ სანაპირო გზას, მით უმეტეს, არ ასცდა ამ იდეების ზედგავლენა, რადგანაც, ეს გზა დაიწყო, თითქმის ომის დროს.

აქ საყურადღებო არის ვინ მუშაობდა იმ კომისიაში. მიუხედავად იმისა, რომ ეს რკინის გზა იყო კერძო ინიციატორების ხელში, მაინც გამგე პრინციპი ამ გზისა აგებული იყო, ასე, რომ ვსთქვათ, სტრატეგულ მოსაზრებაზე. ამან უკარნახა და ამან გამოიწვია, რომ ერთი ვარიანტი, რომელიც გაცილებით უკეთესი იქნებოდა ეკონომიურ თვალსაზრისით, რომ გაეყვანათ ეს გზა ერთი კალთის ძირში ქვარში, და, აქედან მოყოლებული ქუთაისში გაეყვანათ რკინის გზა, ეს უკეთესი იქნებოდა ეკონომიურ თვალსაზრისით, რადგანაც გაივლიდა სამეგრელოს შუა გულში, და საშუალებას მისცემდა იმ მდიდარი ტყეების და იმ სიმდიდრეების ექსპლუატაციისას. ეს ვარიანტი მივიწყებული იყო და გაიყვანეს ეს იმ გზით და იმ გეზით, რომელიც დღეს არის. აქ დაიბადა ერთი მოსაზრება, რომელსაც ჰქონდა დიდი გავლენა და რომელსაც ჰქონდა ყოველ შემთხვევაში დიდი ადგილი ძველი რეჟიმის დროს. ეს არის ინტერესი მდიდრებისა, ინტერესი იმათი თუ ვის მიწა-წყალზე უნდა გაიაროს ლიანდაგმა. აქ იმოქმედა უმთავდესად თავად მინგრელსკის ინტერესმა, და აგრეთვე რამდენიმე მემამულეების ინტერესმა და მათი მოურავების ინტერესმა. იმათი ზედგავლენით მოხდა ის უსამართლობა, რომლის გასწორებას ჩვენ ვაპირობთ. ეს უსამართლობა ის არის, რომ ამ რკინის გზამ დასტოვა ოთხი ვერ-





სის მანძილზე ქალაქი ზუგდიდი. აქ რომ მარტო ზუგდიდზე იყოს ლაპარაკი მარტო ზუგდიდის ინტერესები იყოს შელახული, მაშინ რასაკვირველია ამ შემთხვევაში, ლაპარაკი პროექტის გამოკვლევაზე არ დაგვიკიდებოდა. რა უყოთ ერთი ქალაქი, რომ ჩავედეს, მაგრამ, ძველი სენაკიც დასტოვებს ექვს-შვიდ ვერსის მანძილზე, და ის თავის ბუნებრივი სიკვდილით კვდება. აგრეთვე ამას აქვს მნიშვნელობა ქუთაისისთვის. ამას დიდი მნიშვნელობა ჰქონდა, რომ იგი არ ჩამორჩენილიყო და რიონზე სადგური გაკეთებულიყო. აგრეთვე ბევრი აუარებელი ქალაქები არის, რომლის დახარალებას არ შეიძლება არ მიექციოს ყურადღება, ამ შემთხვევაში ჩვენ გვაქვს დიდ მნიშვნელოვან საკითხთან საქმე. აქ დაინტერესებული არის არა თუ მთელი მაზრა, მთელი ზუგდიდის მაზრა, აგრეთვე სვანეთი, და ის ადგილები, რომელიც მიეკრებულნი არიან და ახლო არიან ეკონომიურად ამ მაზრებთან. ყველა ეს უდიდესი ინტერესი მთელი მაზრისა და აუარებელი მცხოვრებლებისა, აგრეთვე იმ კულტურისა, რომელსაც ეწვევიან სამეურნეო სფეროში, ყველა იმისა რაც იქ დამუშავებული არის: კაკალი, ხილი, სიმინდი და სხვა, ყველა ის რაც კეთდება ამ ქვეყანაში—იმ თვალსაზრისით იმის ინტერესით საჭირო არის, და საჭირო იყო, რომ ვისმეს მიექცია ყურადღება, როდესაც ეს გზები შემუშავდებოდა, რომ ზუგდიდი არ ყოფილიყო იმ ლიანდაგის გარეშე მიუხედავად იმისა, რომ აუარებელი ტელეგრამები, აუარებელი თხოვნა-მუდარა იყო ძველ მთავრობის წინაშე და აგრეთვე ახალ რევოლიუციონერ მთავრობის წინაშე. კომისარიატი რომ არსებობდა, ამ კომისარიატს წარუდგა ყველა ჩვენი პარტიის წარმომადგენლებისგან შემდგარი დელეგაცია. სვებათა შორის, იმ ყრილობაში, რომელიც გაიმართა ამ დელეგატთა თანადასწრებით, დავესწარი მეც, იქაურ მცხოვრებლების თხოვნით. იქ იყო პარლამენტის წევრი კედია. არ შემიძლიან არ მოვიგონო ის საშინელი შთაბეჭდილება, რომელიც მე გამოვიტანე ამ სხდომიდან. როდესაც გავიცანი, როგორ უცქეროდნენ იქ ეკონომიურ ხასიათს ამ რკინის გზისას, პირდაპირ დავიწვიეთ სირცხვილით. ამ სხდომაზე ერთმა დიდმა რევოლიუციონერმა ჯარისკაცმა, გვარი დამაიფიცდა, ჯარისკაცმა, რომელიც მაშინ განაგებდა ტფილისის აღმასრულებელ კომიტეტს, მე მგონი თავმჯდომარე ვერეშაქმა სთქვა: დასხედით იქ და აქნატუნეთ თქვენი თხილებით. თხილების გულისათვის კი არ გვიინდა რკინის ზგა, ჩვენ ამ გზის გაყანა გვიინდა სტრატეგიულ მიზნებისათვის, როდესაც დელეგატებმა, გუბერნიის ყველა წარმომადგენელმა უთხრეს, რომ, თუ არ დაუახლოვდებით ზუგდიდს, ჩვენ გვეშინიან, ვაი თუ თქვენ ამ გზის გასაყვანად აღვიღობრივი მუშა ხალხი არც გამოვიდგისო, მაშინ ისიც კი ინება ამ რევოლიუციონერმა, დიდმა რევოლიუციონერმა რომ სთქვა, ჩვენ იქ ვაგვზავნით „კარატელნი ოტრიადებს“ და მაშინ ვნახოთ როგორ არ გამოგვეყვებიან და არ იმუშავენენო. ის, რასაც მე გეუბნებით იყო ძველათ და ახალ კომისარიატის დროს. დღეს უკვე ყველა მცხოვრებლებს მაზრისას და სვანეთისას იმედი აქვთ, რომ სწორედ ეს ნაკლია ამ გზისა, გამოსწორებული იქნება.

აქ ჩვენ გეუბნებით, რომ პროექტი კომისიაში არის დასახული. აი სწორედ ამ კომისიის შესახებ უნდა მოგახსენოთ. სამწუხაროდ კომისიას, რკინის გზის კომისიას არ ჰქონია საკმარისი მასალები, რომ მნიშვნელობა ამ რკინის გზისა გაეთვალისწინებია. უდავო არის, რომ ამ გზას აქვს დიდი მნიშვნელობა, დიდი მნიშვნელობა აქვს იმას, რომ გზამ ზუგდიდზე გაიაროს. ამას არავინ უარს არ ყოფს, მაგრამ კომისიას უნდა მასალები, რომ ივარაუდოს თუ რა ხარჯი დასჭირდება, რომ ის ხაზი გადიოდეს ზუგდიდზე, და ტენიკურად არის ეს შესაძლებელი თუ არა. მე ვამტკიცებ, ასეთი მასალები აუარებელი მოიპოვება. არ ვიცი, ჰქონდა კომისიას თითონ გამოკვლეული თუ არა, ეს გამოკვლევა ტენიკური, გამოკვლევა ინეი-



ნერბის. მაგრამ ადგილობრივი ხალხი და დელეგაციები გააშუქებენ თანდათან თანდასაყურით აუცილებლად, რომ გზამ ზუგდიდზე გაიაროს. ხარჯი უკვე ნაფარაუდელია, 80 ათას მანეთზე მეტი არ დაჯდება რესლები. რესლებიც მოიძებნება, ერთი სიტყვით ტექნიკური დაბრკოლება იმას არ აქვს. ეკონომიური დაბრკოლება იმაშია, რომ 80 ათას ვერ ვიშოვითო. ეს ყოვლად შეუძლებელია, რომ ამაზე ჩვენ შეეჩერდეთ. ამიტომ ჩვენ ვთხოვთ პარლამენტს, რომ დაადასტუროს, და კატეგორიულად სთქვას, რომ ეს გზა ზუგდიდზე გაივლის. შესაძლებელია ტექნიკურად ეს გზა მოეწყოს. აქ არის ნათქვამი, — კომისია დინტერესებულია, რომ ეს საკითხი გამოიკვლიოს იყოსო. რამდენადაც მე ვიცი კომისიაში ზოგიერთნი ფიქრობენ, რომ არ შეიძლება ამ გზის ზუგდიდზე გაყვანა. მე კიდევ ვამბობ, რომ აუცილებლად ეს არის საჭირო და შესაძლებელი, რომ ეს გადაწყვეტილება მიიღოს პარლამენტმა, და ამის შესრულება მიანდოს გზათა სამინისტროს.

რაც შეეხება სამინისტროს, შესაძლებელია ის დაეთანხმოს კომისიას, რადგანაც იყო ნათქვამი, რომ შტო გაეციანოთ ფოლექიანის მინდორზე სადაც უნდა აშენდეს სადგური, ხოლო იქიდან შტო გაეციანოთ ზუგდიდზე, მაგრამ, როგორც მოგახსენებთ, ადგილობრივ მცხოვრებლების აზრით ყოვლად შეუძლებელია ამ შტოს გაყვანა, ეს არც საქმეს უშველის. უეჭველად ეს ხაზი უნდა გავიდეს ცოტაოდენ რგოლის მგზავსად, რომელიც ზედ ზუგდიდზე მივა.

ამიტომ ჩვენი ფრაქცია თხოულობს, რომ აუცილებლად ზუგდიდზე გაიყვანოს ეს გზა.

**გზათა მინისტრი ივანე ლაბოჭიანიძე.** მე არ შეეჩერდები, თუ რა მნიშვნელობა ექნება ამ რკინის გზას ჩვენ სახელმწიფოსთვის. ეს დაწვრილებით გამოარკვია მომხსენებელმა. ჩვენი სამინისტრო ფიქრობს, რა მოსაზრებაც არ უნდა მოვიყვანოთ, არ შეიძლება, რომელიმე კულტურული ცენტრის დატოვება გარეშე რკინის გზისა. იმ აზრების საილიუსტრაციოდ, რომლითაც ხელმძღვანელობდა, როგორც მთავრობა, ისე ადგილობრივი მეთაურები და ჩვენი მცხოვრებლები, შეიძლება მოვიყვანოთ კახეთის გზა, თუ როგორ გაიყვანეს ეს გზა. მაგრამ ჩვენი სამინისტრო ამ გზას არ ადგია, არც იდგა და არც დადგება. აქ ერთგვარი სიფრთხილე არის საჭირო. და ამ მოსაზრებით ასეთი ფორმულა, შეერთებული კომისია — ჩემის აზრით მასალებია. საქმე არც ისეა, როგორც დადინი ამბობს. მართალია, გამოკვლევა იყო, ეს გამოკვლევა მელიქ-ასლანოვის დროს მოხდა. ჯერ-ჯერობით ჩვენ ვერ ვნახეთ, სად წავიდა ეს გამოკვლევა, მაგრამ ჩვენ ვიცით ფაქტიურად, რომ ამ საკითხზე ძველი რეჟიმის მთავრობას ჰქონდა გარკვეული ხაზი, არც უნდოდათ ქუთაისზე გაყვანა გზა, არც ზუგდიდზე, ალბად სხვა და სხვა მოსაზრებით ხელმძღვანელობდა. მაგრამ შემდეგში იყო დანიშნული განსაკუთრებული კომისია ამიერ-კავკასიის კომისარიატის მიერ. არ ვიცი, რა ლაპარაკი ჰქონდათ მაშინ, ვერუშაიკი იყო, თუ ვილაც სხვა დეპუტატი. თუ ასეთი ლაპარაკი იყო, რასაკვირველია, ეს ყოვლად შეუწყნარებელია, მაგრამ ფაქტიური მხარე ცოტა სხვანაირი არის. ამ კომისიაში ინჟინერები შედიან, სხვათა შორის ბევრი ქართველი ინჟინერები და ამ კომისიამ ერთხელ დაადგინა, რომ ყოვლად შეუძლებელია დღევანდელ პირობებში ამ გზამ გაიაროს ზუგდიდზე, საჭირო არის ტრასის შეცვლა, ადგილობრივ რგოლის გაკეთება, ან ხეთიდან, ან სენაკიდან, ესე იგი მისატოვებელია მთელი მუშაობა, რომლის სამი მეოთხედი, თითქმის 80%, გათავებულია, გარდა იმისა, ქალაქ ზუგდიდმა თითონ მოახდინა გამოკვლევა. ამ საქმის გამოკვლევა მიანდო ვილაც ადგილობრივ ტექნიკს. იმან დაამტკიცა, რომ არც ძვირი ექნება და შეიძლება

კიდევ, რომ გზამ გაიაროს ზუგდიდზე. მაგრამ მისი გამოკვლევის ქალაქი დაიკარგა, ტეხნიკი მოკვდა სამწუხაროთ, ჩვენი ინჟინრები კი ყველანი ამბობენ, რომ დასკირდება ძლიერ დიდი ხარჯი, რომ ეს გზა გავიდეს ზუგდიდზე.

გზათა სამინისტრო ფიქრობს, რომ თუ კი ეს შესაძლებელი იქნება, თუ კი ეს თუნდაც გამოიწვევს დამატებითი ნახევარ მილიონ ხარჯს, და ტეხნიკურად შესაძლებელი იქნება, რომ გზამ გაიაროს ზუგდიდზე, ჩვენ ამას უსათუოდ ვიზამთ, თუ ნაშეტანი ხარჯი იქნება, ამ კანონ-პროექტის დამტკიცებით მოხსენებას წარმოვადგენთ, და ზუგდიდს თუ მივაწერეთ ფულს, რასაკვირველია ისიც მოგვეცემს ფულს.

კიდევ არის ერთი მოსაზრება. არის სამი დიდი მდინარე, რუხის წყალი, კოდორი და ნეგური, აქ უკვე არის გაკეთებული ხიდები, მაგრამ ეს ხიდები დამთავრებული არაარის, მაგრამ უკვე გარკვეული არის ხაზი. და შედარებით ამ რკინის გზასთან, იმის გარდა რომ, გააჩნლებს მამოსელას, ამ ზუგდიდის გზაზე, უნდა მოისპოს თითქმის გაკეთებული ხიდები, რომლის თითქმის 60—70% არის გათავებული, ან და ეს გზა უნდა მოვიყვანოთ ამ ხიდებამდის. ეს უნდა მოამხსენებინა, იმიტომ რომ პარლამენტს ჰქონდეს წარმოდგენა, თუ რამდენი დაბრკოლება შესაძლებელია წარმოუდგეს სამინისტროს და მთავრობას ამ რკინის გზის გაყვანის დროს. გარდა იმისა, მე უნდა მოგახსენოთ ერთი გეცხადება. თუ კი შესაძლებელი იქნება ტეხნიკურად და ფინანსურად ერთი კვირის განმავლობაში შევადგინო კომისიას, ამ კომისიაში დაგინიშნავთ გარდა სპეციალისტებისა, ადგილობრივ ხალხსაც, რომ ეს იყოს პირუთვნელი, დარწმუნებული ვიყო, ისეთი აზრებს, რომელიც ჰქონდა ძველ მთავრობას ამ გზის შესახებ, ამ კომისიაში ადგილი არ ექნება. ამის გარანტიას მოგვეცემთ, რომ სამინისტრო იქნება პირდაპირი ხელმძღვანელი ამ მუშაობისა. ჩვენც ვართ დანტერესებული, რომ გავიდეს ეს გზა ზუგდიდზე და თუ ეს შესაძლებელი იქნება ჩვენ, უშუალოდ ამას ვიზამთ.

**თავმჯდომარე.** ვის სურს სიტყვა ამ კანონ-პროექტის შესახებ? არავის. სიტყვა გუთვნის მომხსენებელს.

**იონებ გობეჩია.** მე მინდა მოგახსენოთ ორიოდე სიტყვა იმის შესახებ, რაც აქ გამოსთქვა ბ. დადიანმა, საქმე იმაშია, რომ ჩემ მოხსენებაში მე აღვნიშნე ყოველივე ის, რაც იყო ძველად და საზოგადოდ როგორ კეთდებოდა ძველი რეემის დროს გზები. აღვნიშნე თუ როგორ ანაცვლებდნენ კერძო ინტერესებს ხალხის და დემოკრატიის ინტერესებს. ეს აშკარაა და ამიტომ ვსთქვი, რომ შეიძლება ის გზა, რომელიც უნდა გასულიყო ქალაქ გუგდიდზე, 4-ვერს ასცილდება მის ლიანდაგს, მაგრამ, როდესაც მე ვსთქვი, კომისიის მასალები არ ჰქონდა, ეს ჭეშმარიტება არის. ტეხნიკურად პროექტი ამ გზისა უკვე დამტკიცებულია. ჩვენ რა გვინდა? ჩვენ გვინდა, რომ ეს მუშაობა, რომელიც უკვე, როგორც მოგახსენეთ უმთავრესათ არის გაკეთებული, ჩვენ გვინდა რომ ეს შევცვალოთ. ეს არის ჩვენთვის ტეხნიკური საქმე, რომელიც უნდა იყოს აღმოცენებული მეცნიერულ გამოკვლევაზე. ჩვენ ერთგვარი მეცნიერული საბუთი ხელთ არ გვაქვს რომ ვსთქვათ, — რომ შეუძლებელი საქმეა, რომ ზუგდიდზე გაიაროს ამ რკინის გზამ. ეს საბუთი არ გვაქვს დღეს და არც გვაქონია. ჩვენ ვსთქვით, რომ საჭიროა ამისთვის დაარსდეს სპეციალური კომისია, რომელიც ყველა ამ საბუთებს გამოიკვლევს და გვეტყვის, რამდენად შესაძლოა ტრასი შეიცვალოს და ამ გზამ გაიაროს პირდაპირ ზუგდიდზე. კერძოთ მე მქონდა მოლაპარაკება სპეციალისტებთან და ტეხნიკებთან. ეს ტეხნიკები მიმტკიცებდნენ იმას, რომ ხაზი სულ უნდა შევცვალოთ და ახალი ტრასი გავიყვანოთ.



ამისთვის რასაკვირველია ბევრი საბუთი მოყვანილ იყო. ზოგიერთი იყო მოყვანილი. ამიტომ ჩვენთვის საჭიროა, რომ უსათუოდ ჯეროვანი ყურადღება მიექციოთ. მეორე მხრივ რაც შეეხება დადიანის სურვილებს, რომ ჩვენმა პარლამენტმა დაადასტუროს, რომ ამ გზამ გაიაროს ქალაქ ზუგდიდზე, — მე პირადად ამის საწინააღმდეგო არა მექნება რა, და დიდი სიამოვნებით დაუჭერ ამას მხარს.

**თავმჯდომარე.** ვინ არის წინააღმდეგი, რომ გადავიდეთ მუხლობრივ განხილვაზე? გთხოვთ წაიკითხოთ პირველი მუხლი.

**იოსებ გობეჩია.** (კითხულობს) მუხლი პირველი: დაევალოს გზათა მინისტრს დაუყონებლივ მიიღოს თავის გამგებლობასა და განკარგულებაში შავი ზღვის სანაპირო რკინის გზა, რომელიც ჯერ დამთავრებული არ არის, საქართველოს ტერიტორიის საზღვრებში.

**თავმჯდომარე.** ვინ არის წინააღმდეგი? არავინ. მაშასადამე მიღებულია. მუხლი მეორე. რკინის გზის ამ ნაწილის მისაღებად, შესანახად და დასაცავად 1918 წ. 1 ოქტომბრიდან წლის დამლევამდე მიეცეს გზათა მინისტრს აფანსად ხაზინიდან საშასი ათასი (300,000) მან.

**თავმჯდომარე.** ვინ არის წინააღმდეგი? არავინ. მაშასადამე მიღებულია. **მომხსენებელი.** მესამე მუხლი (კითხულობს) მიენდოს გზათა მინისტრს დაუყონებლივ შეუდგეს ამ გზის ნაწილის დამთავრებას ახალსენაკიდან ზუგდიდამდე და ამისათვის გაეხსნას მას კრედიტი სამი მილიონი სამასი ათასი მანეთისა (3,300,000) თანხმად ამ კანონთან დართულ ხარჯთ-აღრიცხვისა.

ერთი უნდა მოგახსენოთ, რომ მესამე მუხლი არის დამყარებული იმ ხარჯთ-აღრიცხვაზე, რომელიც რის მუხლობრივ აღნიშნული და თუ ნებას მიბოძებთ, თვითეულ განყოფილებას მოგახსენებთ, და მხოლოდ მერე გადავალ მესამე მუხლზე.

**თავმჯდომარე.** გთხოვთ წაიკითხოთ. **იოსებ გობეჩია.** (კითხულობს) წინასწარი დამფასებელი სია სამუშაოებზე, რომელსაც შავი ზღვის რკინის გზის დამთავრება გამოიწვევს ახალსენაკიდან ზუგდიდამდე დროებითი მიმოსვლის გასამართ ავად.

- 1) გზათა სიგძე:
  - ა) უმთავრესი ლიანდაგი . . . . . 40 ვერსი.
  - ბ) სადგურის ლიანდაგები . . . . . 8 "
  - სულ . . . . . 48 ვერსი.

განყოფილება ა.

**ფასი სამუშაოებისა და დამზადებებისა.**

თავი I.

**ქონებათა ჩამორთმევა.**

შეძენა მიწის, შენობების დანგრევა, დაჯილდოება დროებით მიწის დაკვეთისათვის, მოსპობა ნახნაგებისა და სათიბებისა და სხვა ზარალი, დამზადება და დამყარება საზღვრების ნიშნების და აგრეთვე დაქირავება გამსაზღვრელი აღმინისტრაციისა, დაქირავება მათთვის შენობისა კანტორისათვის და ფოსტატელეგრაფის და კანცელარიის ხარჯებით, შედგენა პლანებისა, მიმოსვლის ადგილობრივ გადასანადგების და სხვა ხარჯები 500,000 მ., სულ I თავის ხარჯი 500,000 მან.



**შენიშვნა I თავის შესახებ.** მის გამო, რომ შაგის ზღვის რკინის გზის მმართველობის მხრივ გამოურკვეველია, რამდენად არის შესრულებული განსაზღვრის მუშაობა და აგრეთვე მის მიხედვით, რომ შესაძლებელია ეს სამუშაო მხოლოდ დაწყებული იყოს ამ საქირაობისათვის. შეტანილია სიაში 510,000 მანეთი იმ პირობით, რომ ამ ფულიდგან ხარჯები გაეცემა ყოველ შემთხვევაში სამინისტროსთან მყოფ საბჭოს განკარგულებით.

**თავმჯდომარე.** კომისია თხოულობს 500,000 მ. ვინ არის წინააღმდეგი? არავინ. გთხოვთ წაიკითხოთ შემდეგი.

**ი. გობეჩია.** (კითხულობს) თავი II. აშენება მიწის ლიანდაგისა.

ა) მიწის სამუშაო უმთავრესი გზის ასაშენებლად, კუბ. საე. 6,500. ერთი კვ. საე. ღირს 50 მან.

ბ) დამატებითი სამიწო-სამთო და დასაწრეტ რუების ასაშენებლად, მდინარეების სადენის გასასწორებლად, ბერმის დასაყრებლად, მდინარეებთან ლიანდაგის გასაგანიერებლად, გადასავლების გასაკეთებლად, საგზაო შენობების განსაზღვრავად და სხვა ხარჯებისთვის კუბიკური საე. 1500. ერთი კვ. საე. ღირს 50 მანეთი.

მიწის სამუშაოები სადგურებისთვის, მოედნების გასაკეთებლად კუბიკური საე. 2,500. ერთი კუბ. საე. ღირს 50 მან.

შეკეთება და გამაგრება მრუდედ დაყრილ მიწებისა უსწორ-მასწორობისა და რიყებისა ვერსი 40. თითო ვერსი ღირს 1000 მან.

გამაგრება მდინარეების სადენისა, ხიდების კონუსებისა და ტრუბებისა ქვაფენილის დაგებით ოთხკ. საე. 4,000. თითო ვერსი ღირს 45 მან.

შოშის გზებისა, სადაც რკინის გზაზე გადადის შოში ოთხკუბი საეენი 250. თითო ვერსი ღირს 60 მან. სულ მე-II თავის ხარჯი 760,000 მ.

**შენიშვნა 1 და 2 სტატიის შესახებ.** რომ მივიღოთ მხედველობაში ის რომ მუშის საქირაოების ფასები ეხლანდელ დროში ათჯერ აღემატება ომის დაწყებამდის მყოფ ფასებს და ამის მიხედვით საშუალო ფასი ერთი კუბიკური საეენი მიწის სამუშაო მივიღოთ 50 მანეთი ე. ი. ათჯერ მეტი ომამდის მყოფ ფასებისა.

**მე 4 სტატიის შესახებ.** კონუსების დაგება 48 ხელოვნურ შენობებზედ და სადენის 29 შენობისა საშუალო ფასი 1 კუბ. საეენ. დასაფენისა ომამდის იყო 4 მან. 50 კაპ. ამისათვის თანახმად მოსაზრემისა, რომელიც ნაჩვენებია 1 და 2 სტატიაში საშუალო ფასი მიღებულია 46 მანეთი 1 ოთხკუბს საეენზედ.

**მე 5 სტატიის შესახებ.** საშუალო ფასი 1 და 2 სტატიის მიხედვით მოსაზრებით, რომ მივიღოთ 60 მანეთი ერთ ოთხკუბს საეენზედ, თუ სიგანე შოშისა იქნება 0,10 საე.

**თავმჯდომარე.** ვინ სურს სიტყვა? ვინ არის წინააღმდეგი? მიღებულია. გთხოვთ წაიკითხოთ მესამე თავი.

**ი. გობეჩია.** (კითხულობს) თავი III. ხელოვნური შენობები.

ა) ბეტონის დალაგება დასაყრდნობებისთვის საფუძვლის აშენებით კუბიკური საეენი 55. ერთი კვ. საე. ღირს 900 მ.

ბ) დროებითი ფურცელი შენობები სიგძის საეენი 80. ერთი კვ. საეენი ღირს 9000 მან.

დროებითი ფურცელი ხიდები შესაკრელი დასაყრდნობებით სიგძის საეენი 50. ერთი კვ. საე. 3,000 მ. სულ მე-III თავის ხარჯი 359,000 მან.

**თავმჯდომარე.** მესამე თავის ხარჯთ-ალრიცხვას უყრი კენჭს? ვინ არის წინააღმდეგი? მიღებულია! გთხოვთ წაიკითხოთ შემდეგი.



**იოსებ გობეჩია.** (კითხულობს) თავი IV. ზვეითი შენობა.

ლამი საბალასტო ზოლზე გზების შუა დაყრით დაწეულ ლიანდაგის ასამაღლებლად თუ ვიფარაუდებთ 70 კუბიკურ საყენს ვერსზე, თუ სივანე ექნება საშუალოდ 0,18 საყენი, რაც 48 ვერსზე შეადგენს 8160. კუბიკური საყ. თითო კუბ. საყ. ღირს 80 მან.

შპალები 1530 თვითეულ ვერსზე; თუ 2% მივიღებთ დანაკარგად სულ 42840 ცალი.

ა) რელსები ფოლადის მესამე კიბის დასამაგრებლებითურთ უმთავრესი სამგზავრო გზებისთვის, ვერსი 21.

ბ) რელსები ფოლადისა მე-4 ტიპის დასამაგრებლებითურთ უმთავრეს სამგზავრო გზისთვის. ვერსი 7.

ა) გაწყობა რელსებისა სკოადებიდან-საქონლის მოზიდვით მუშაობის ადგილზე, რელსების მიკვრით და გზის გამოცვლით 28 კუბ. საყ. თითო კუბ. საყენი ღირს 2500 მან.

ბ. ამაღლები გზისა სათანადო სიმაღლემდის და გამოსწორება დაძვლარ მიწისა ვერსი 48. თითო ვერსი ღირს 1500 მ.

ვ. გზის დაცვა გაფუჭებისაგან ჩაბარებამდის 48 ვერსზე თითო ვერსი ღირს 1250 მ.

გასწორება მოსიარულე შემადგენლობისა. სულ მე IV თავის ხარჯი 910800 მან.

**შენიშვნა მე 4 თავის შესახებ.** თუ შეედევლობაში მივიღებთ 40 ვერს უმთავრესი გზის და 8 ვერს სასადგურო და ასაქცევ გზებს სულ მთელი გზა 48 ვერსი.

**მე II სტატიის შესახებ.** ამამდე დალაგებულია 19 ვერსი მთავარი გზის და 1 ვერსი სასადგურო, დარჩენილი დასალაგებლად 28 ვერსი. შპალები დამზადებულია № ამისთვის ისინი მიღებულია დაუფასებლევ.

**მე III სტატიის შესახებ.** რელსები დასამაგრებლებითურთ დამზადებულია, ამისთვის არ ვთხოვლობ ფულის მოცემას.

**მე III ბ. სტატიის შესახებ.** რელსები ამ დანიშნულებისათვის არ არის, განზრახულია ამითი მიღება ამიერ კავკასიის უმკაცრო სადგუროების გზებიდან ამისთვის ესენი მიღებულია უფასოდ, შემოტანილია მხოლოდ 10,000 მანეთი თანხა დასატვირთ-გასატვირთ და გადასაზიდ ხარჯების გასაძილოდ სამუშაო ტარიფის მიხედვით.

**მე 5 სტატიის შესახებ.** არის 4 ერთქმავალი და 65 ვაკონი, თუ ვინაგარიშებთ ერთქმავალის შეკეთებას 5,000 მანეთს და ვაკონებისა 400 მანეთს ღირებულება. მოსიარულე შემადგენლობის გაკეთებისა გამოიხატება ნაწილი:  $5,000 \times 4 + 65 \cdot 400 = 46000$  მანეთით.

**თავმჯდომარე.** კენჭს ვუყრი მეოთხე თავის ხარჯთ აღრიცხვას. ვინ არის წინააღმდეგი? არავინ. მიღებულია. გთხოვთ წაიკეთახოთ შემდეგი.

**იოსებ გობეჩია.** (კითხულობს) თავი მე-V. გზის კეთებულება.

ა) ვერსების მიჩვენებელი ბოძები, მიკრული ნიშნები, მრულე შემოსახვევების მაჩვენებლები საშუალო ნაწილების და უბნებისმაჩვენებლები, წყლის გამზომველი და გადაკეთებული ბოძები. ვერსი 40. თითო ვერსი ღირს 300 მან.

ბ) იარაღები და ბაირაღები გზის შესაკეთებლად. ვერსი 40. თითო ვერსი ღირს 750 მან. სულ მეV თავის ხარჯი 42,000 მან.

**თავმჯდომარე.** ვინ არის წინააღმდეგი? არავინ. მიღებულია. შენდები.



**იხსებ გვბეჩია.** (კითხულობს) თავი VI ტელეგრაფი.

1. აშენება მე-2 ტელეფონისა—იზოლიატორებით დამავთულით სახელმწიფო ტელეგრაფებთან შესაერთებლად 2,0000 მან.

2. დაკმაყოფილება ტელეგრაფის და სამაახურისა, სანამ ექსპლოატაციას ჩაპარდებოდეს სენაკიდან სოხუმამდის 45,000 მან. სულ მე VI თავის ხარჯი 65,000 მან.

**შენიშვნა პირველ სტატიის შესახებ.** მიმდინარე დრომდის არსებობს ერთი პროვოდი ახალ სენაკიდან სოხუმამდის რომელიც მთავრობის ტელეფონთან არ არის შეერთებული. წესიერ მსვლელობის გასახსნელად საჭიროა გაიხსნას მე 2 ტელეფონი, სენაკიდან ზუგდიდამდის და ამის გარდა შეერთებულ იქნას მთავრობის ტელეფონთან. რისთვისაც შემოტანილია 20,000 მან.

**მე-2 სტ. შესახებ.** ტელეფონის მოსამახსურეთა დასაკმაყოფილებლად 6 თვის განმავლობაში საჭიროა 41.100 ტელეგრაფის შესანახად საჭიროა თანხით 45000 მ. თავშეჯდომარე. ვინ არის წინააღმდეგი? არავინ. მიღებულია. შექდები.

**იხსებ გვბეჩია:** (კითხულობს) თავი VII. სახლის ყარაულობა, ყაზარმები და ასაქცევეები.

1. საყარაულო შენობები დროებით ბარაკის ტიპისა ოთხჯ. საქ. 55. თითო ღირს 800 მან.

2. ისეთივე ყაზარმები და ნახევარი ყაზარმები შემკეთებელ მუშების და საგზაო სამათათვის ოთხჯ. საქენი 85. თითო ოთხჯ. საქ. ღირს 800 მან.

3. ასაქცევეები რელსების სიმაღლისა ყოველგვარი იარაღითურთ გარდა მიწისა, რომლებიც ჩარიცხულია მეორე თავში. ცალი 30. თითო ღირს 25,000 მან. სულ მე-VII თავის ხარჯი 189,000 მან.

თავშეჯდომარე. ვინ არის წინააღმდეგი მიღებულია.

**იხსებ გვბეჩია.** (კითხულობს) თავი მე-VIII. სასადგურო შენობები.

შენობა გზათათვის და საცხოვრებელი სახლები დროებითი ბარაკების ტიპისა. ოთხკუთხი საქენი 160. თითო ცალი ღირს 800 მან. სულ მე-VIII თავის ხარჯი 28,000 მან.

თავშეჯდომარე. ვინ არის წინააღმდეგი? მიღებულია.

**იხსებ გვბეჩია.** (კითხულობს) თავი მე 9. წყლის მიწოდება სადგურებს.

აშენება 2 თროებით წყალ მისაწვდენისა მოწყობილობით და ფიცრის ბაქებით 2. სულ მე 9 თავის ხარჯი 50.000 მ.

თავშეჯდომარე. ვინ არის წინააღმდეგი? მიღებულია.

**იხსებ გვბეჩია.** (კითხულობს) თავი მე 10. სადგურების ქონება.

ა. გაწყობა სტრელკებისა ჯვარედინიან შპალებში. ცალი 15. თითო ცალი ღირს 500 მ.

ბ. დროებით დამყენებლების აშენება ცალი 14. თითო ცალი ღირს 300 მ.

გ. აშენება სასტრელკო ბუდეებისა ცალი 2. თითო ცალი ღირს 800 მ.

ბ. სემოფორების დადგმა. ცალი 4. თითო ცალი ღირს 500 მ.

დადგმა ნავთით ასანთებ ფარნებისა. ცალი 4. თითო ცალი ღირს 1000 მ. სულ მე 10 თავის ხარჯი 16.300 მ.

**შენიშვნა I სტატიის შესახებ.** რაოდენობას სტრელკების გადაყვანის დამზადებულია ამიტომ ამისთვის ფული არ არის საჭირო.

**მე 3 სტატიის შესახებ.** სიმაფორების მიღება განზრახულია ყოფილ ამიერკავკასიის უმუშევარ სტანციებისგან, რის გამოამათი ღირებულება არ არის შემოტანილი.



**თავმჯდომარე.** ვინ არის წინააღმდეგი? არავინ მიღებულა.  
**იოსებ გობეჩია** (კითხულობს). თავი II. საერთო გასავალი.  
 აღმინისტრაციის და სანიტარულ ნაწილის დაკმაყოფილება, საკანცელარო ხარჯები, მისვლა-მოსვლისა და სხვა 35.000 მან. სულ მე-II თავის ხარჯი 35.000 მან.

**შენიშვნა 1 სტატიის შესახებ.** კრედიტის დახარჯვა შეიძლება მხოლოდ გზათა სამინისტროსთან მყოფ საბუკოს განკარგულებით.

**თავმჯდომარე.** ვინ არის წინააღმდეგი? მიღებულა. შემდეგი.  
**იოსებ გობეჩია** (კითხულობს). თავი 12. მოულოდნელი ხარჯები. მოულოდნელი ფასები დაახლოებით 1—1<sup>1</sup>/<sub>2</sub>% მე-II თავებით დამფასებელ ვედომოსტისა 29.000 მან. სულ მე-II თავის ხარჯი 29.000 მან. სულ დამფასებელ სიით ხარჯი 3.300.000 მან.

**თავმჯდომარე.** საერთოდ ხარჯი 3 მილიონი 300 ათასი ვახლავთ, ვინ არის წინააღმდეგი საერთოთ ხარჯთ-აღრიცხვისა? არავინ. მაშასადამე, ეს ხარჯთ-აღრიცხვა მიღებულა. საზოგადოთ ხარჯთ-აღრიცხვაში შესასებ ვის ნებავე სიტყვა? სიტყვა ეკუთვნის პარლამენტის წევრს არსენიძეს.

**რ. არსენიძე.** ყოველთვის გაჩერება კანონ პროექტისა, რასაკვირველია არ არის კარგი. მაგრამ ამ ხარჯთ-აღრიცხვისა არის ერთი მუხლი, რომლის აღნიშვნა, შე სასურველად და საჭიროდ მიმაჩნია. აი, მაგალითად, მესამე მუხლში სტატიის შესახებ სწერია: რელსები გასამაგრებლებითურთ დამზადებულია, ამისათვის არ ვთხოვლობ ფულის მოცემას. მე მგონი უფასოდ შეტანა ერთი რკინის გზის მასალისა, მეორე რკინის გზაზე ყოველად შეუძლებელია. ხარჯთ-აღრიცხვაში უნდა იყოს აღნუსხული ესა თუ ის ფასი, რომელიც უნდა მიეცეს დანარჩენ რკინის გზებს. ყველას თავისი ქონება და ხარჯი აქვს და არაფრის უფასოდ წაღება არ შეიძლება. ხარჯთ აღრიცხვაში საჭირო იყო, რომ ასეთი ცნობა შემოტანილი ყოფილიყო, არა თუ უფასოთ მოგვეცემს, არამედ შემოტანილიყო მისი დაფასება და შესულიყო ამ გზის ხარჯთ-აღრიცხვაში, თუ რა ღირებულობისა არის ის, რაც დასჭირდება. მე მგონი რომ სამინისტრო მიიღებს მხედველობაში, რომ ყველა უნდა იყოს დაფასებული, და არ შეიძლება დაუფასებლად შემოტანა.

**იოსებ გობეჩია.** ჩვენ ვფიქრობთ ბატონებო, რომ ეს გზა, რომელიც ეხლა უნდა დამთავრდეს, იქნება გაგრძელება იმ ჩვენი სახელმწიფო რკინის გზების ქსელისა, რომელიც უკვე არის ჩვენს რესპუბლიკაში. ამიტომ, როდესაც ასეთი შენება არის, ჩვენ უნდა ვიცოდეთ, რომ ახალი რელსების შიძენა და გაკეთება გავვიძინებდებ. მეორეს მხრივ ჩვენ ვიცოდით, რომ ზუგდიდის 20 ვერსის მანძილზე უკვე არის დაწყობილი რელსები, დარჩა კიდევ 28 ვერსი დასაწყობი. როდესაც ჩვე გზათა კომისიაში გვექონდა მსჯელობა, ვიფიქრე რომ ორი თვის განმავლობაში შეიძლება ამ გზის დამთავრება, შეიძლება მისვლა-მოსვლა გაიმართოს სენაკ-ზუგდიდის შუა. სხვა და სხვა გზებზე არის დარჩენილი სხვა და სხვა ლიანდაგები, რომლებზედაც დღეს ექსპლუატაცია არ ხდება. ჩვენ შეგვიძლიან ამ გზებიდან დღეს ავიღოთ რელსები, რომელიც ამ გზებისთვის გამოუსადეგარია და მოვიზმართოთ. რადგანაც ეს ეხება სახაზინო ფულს, რაკი იქაც სახაზინოა და აქაც სახაზინოა, და ეს გზა რჩება ჩვენ მთავრობის ხელში, ამიტომ ასეთი ბუჭალატერიული ახსენა არ გავაკეთებთ, — რომ ასეთი დეტალური ანგარიში გაუკეთდეს, ეს ფინანსური მხრივ შეცვლა არ იქნება და მეც არ ვიქნები ამის წინააღმდეგი.

**თავმჯდომარე.** ვის სურს სიტყვა? მე უყრია კენჭს, რომ ხარჯთ-აღრიცხვა-





ში იყოს აღნიშნული ფასი რეალტებისა. ვინ არის ამ დამატების მომხრე გთხოვთ ასწიოთ ხელი? მიღებულია. გთხოვთ წაიკითხოთ მესამე მუხლი.

**გაზეჩია.** (კითხულობს). მუხლი მესამე—მიენდოს გზათა მინისტრს დაუყონებლივ შეუდგეს ამ გზის ნაწილის დამთავრებას ახალ-სენაკიდან ზუგდიდამდე და ამისათვის გაეხსნას მას კრედიტი სამი მილიონი 300,000 მანეთისა თანახმად ამ კანონთან დართული ხარჯთ-აღრიცხვისა.


**თავმჯდომარე.** ვინ არის წინააღმდეგი? არავინ. მაშასადამე მიღებულია.

**გაზეჩია.** მუხლი მეოთხე. (კითხულობს). დაევალოს გზათა მინისტრს ერთი თვის განმავლობაში მოახდინოს გამოკვლევა ტრასის შეცვლისა, რათა ხსენებულია რკინის გზამ გაიაროს ქ. ზუგდიდში.

**თავმჯდომარე.** კენჭის ყრით მიღებულია მესამე მუხლი. საერთოთ კანონ-პროექტი მიღებულია და გადაეცემა სარედაქციო კომისიის. შემდეგ კანონ-პროექტის მოწესნებელი გახლავთ ბ. ლომთათიძე.

**ალექსანდრე ლომთათიძე.** შოქალაქენო, რამდენიმე თვის წინეფ ეროვნულ საბჭომ აიარჩია სპეციალური კომისია, რომელსაც დაავალა შემუშავება საქართველოს დამფუძნებელ კრების საარჩევნო კანონ-პროექტისა. ჟუნდა მოგახსენოთ, მთელი კომისია, და მასთან ერთად მეც, ამ საქმეს, რომ ხელს ვკიდებდით, მაშინდელ მდგომარეობის ძლიერ გავლენის ქვეშ ვიყავით და თუ რანაირი პსინოლოგიური განცლა იყო მაშინ ჩვენში—ეს პარლამენტს კარგათ მოეხსენება. დამფუძნებელი კრება, საყოველთაო საარჩევნო უფლება, პიროვნების ხელუხლებლობა და სხვა ესეთი მოთხოვნებიანი, რომელთა მოსაპოებლათ არა ერთი მსხვერპლი შეუწირავს დემოკრატისა, ყველაფერი ეს ჩაწიხლული, გათელილი იყო ბალშევიზმისა და ბალშევიკური აღვირწახსნილობის წყალობით, ჩვენი ქვეყნის კაი ნაწილი ანარქიის ცეცხლში იყო გახვეული და ყოვლათ ბუნებრეფია, თუ ჩვენ ერთგვარი შიში გვქონდა, ვაე თუ ამ რუსეთიდან შემოჭრილმა ანარქიამ წალეკოს და დაასაპაროს რაც ჩვენს დემოკრატისა წვითა და დაგვით შოუპოვებია და შეუნარჩუნებიაო. მაგრამ, მიუხედავათ იმისა, ჩვენ გვწამდა საქართველოს ხალხის მომზადება, პოლიტიკური იღბრდა, და ვაწვრთნა, და იმედი გვქონდა, რომ ეს დროებითი მოვლინებული ქარტეხილი აცილებული იქნებოდა თავიდან, და ჩვენი ქვეყანა შედარებით ნორმალურ ცხოვრების კალაპოტში ჩადგებოდა, და ჩვენ მოვესწრებოდით იმ დროს, როდესაც საქართველოს რესპუბლიკაში დამფუძნებელი კრება გაიხსნებოდა. ჩვენი იმედებე გაშართლდა. ანარქია თუ სავსებით არა, უმეტეს ნაწილათ უკვე მოსპობლია და დღეს, საქართველოს პარლამენტი უკვე სდგას დამფუძნებელ კრების მოსაწვევ სამზადისის წინაშე. თმვის თავათ ცხადია, როდესაც კომისია შეუდგა დავალუბის ასრულებას, მის წინაშე, ასეთ საკითხმა წამოყო თავი: როგორ უნდა იმოქმედოს მან, რა მასალეტი მოეპოვება კომისიის, რომლებით უნდა იხელმძღვანელოს, და შეადგინოს პროექტი საარჩევნო კანონისა.

ამ მხრივ, ერთათ ერთი მასალა, რომელიც მოგვეპოვებოდა ჩვენ, ეს იყო კანონი რუსეთის დროებითი მთავრობისა, რომლის ძალით მოხდა არჩევნებე რუსეთის დამფუძნებელ კრებაში. მაგრამ, როდესაც კომისია გაეცნო იმ დებულებას თავის თავათ ცხადია, რომ ბევრი ისეთი რამ აღმოჩნდა, რაც ჩვენ მშობლიურ სინამდვილეში არ მოიპოვება. რუსული დებულება აშენებული გახლავთ შემდეგ პრინციპზე: იქ, როგორც ვიცით, ორი დაწესებულება არსებობდა, და ამ ორ დაწესებულებას დააკისრა რუსეთის დროებითმა მთავრობამ, ტენიკური მოწყობა, და ცხოვრებაში გატარება დამფუძნებელ კრების არჩევნებისა. ასეთი დაწესებულება გახლავთ ერობა, და საქალაქო თვითმმართველობა. ჩვენში





კი, მაშინ მხოლოდ ლაპარაკი იყო, ერთგვარი აკადემიური მსჯელობა ბობდა, ერობის შემოღების თუ არ შემოღების დროინობაზე. ერთათ ერთი დემოკრატიული დაწესებულება, რომლის გამოყენება შეეძლო, ეს იყო საქალაქო თვითმმართველობა, და ამ გვარათ კომისიის უნდა გამოენახა ისეთი საშუალება, რომელიც საერობო თვითმმართველობის ორგანოების როლს შეასრულებდა დამფუძნებელ კრების მოწვევის ტენზიკურ საქმეებში. კომისიის გადაწყვეტილება გახლავს ასეთი: ქალაქების მიწა წყალზე ეს საქმე ეკისრებათ ქალაქის თვითმმართველობათ, პროვინციებისთვის ეს ტენზიკური აპარატი უნდა შექმნას მაზრის ფარგლებში სამაზრო ქალაქის განგეობამ, რომელიც მაზრაში მომქმედ პოლიტიკურ პარტიათა წარმომადგენელთაგან მათ შორის ძალთა განწყობილების მიხედვით შეადგენს მაზრის საარჩევნო კომისიას. ასეთი მოსაზრება წარმოადგინა კომისიამ შემდეგ. დღეს მდგომარეობა ისეთია, რომ ქალაქის ყველა თვითმმართველობანი რესპუბლიკის ტერიტორიაზე, არის ერთი პარტიის ხელში. თითო ოროლა კაცი შეიძლება იყოს სხვა პარტიისა, მაგრამ ყოველ შემთხვევაში გაბატონებული არის ერთი პარტია. კომისიის აზრი კი დამფუძნებელ კრების მოწყობისა და მოწვევის საქმეში ტენზიკურათ ჩაბმული უნდა იქნეს ყველა პარტია და თუ შესაძლებელია, ყველა პოლიტიკური მომქმედი მიმდინარეობის ჯგუფის წარმომადგენელიც. მაშ ასეთი მოსაზრება კომისიისა, ეს პრინციპი გატარებული უნდა იქმნას ყველა კომისიის აშენების დროს. ეხლა კომისიების შესახებ: კომისიები ნავარაუდევია ოთხი. უმთავრესი კომისია გახლავთ რესპუბლიკის მთავარი, ანუ ცენტრალური საარჩევნო კომისია, შემდეგი საფეხური სამაზრო კომისია, მერმე სოფლის საზოგადოებისა და უკანასკნელი საფეხური,—ეს გახლავთ სოფლის მცირე საარჩევნო კომისია. ამ ოთხ კომისიის სტრუქტურაში დაცული გახლავთ ის მთავარი პრინციპი, რომელზედაც მე ზემოთ მოგახსენეთ. შემდეგი საკითხი, რომელიც ფრიად მნიშვნელოვანათ მიაჩნია კომიას, აი როგორი გახლავთ: ვის უნდა დაეკისროს მთავარი ხელმძღვანელობა საარჩევნო საქმისა. თუ ვინმემდღვანელებთ ჩვენ სხვა ქვეყნების მაგალითით, ეს უნდა დაეკისროს მთავრობას, ე. ი. საარჩევნო კანონს მიიღებს პარლამენტი, გადაეცემა სათანადო უწყებას, და ის უწყება აამუშავებს სათანადო აპარატს, კანონის ცხოვრებაში გასატარებლათ. ეს გახლავთ ჩვეულებრივი გზა. მაგრამ, კომისიას დაეხადა ასეთი აზრი. მთავრობა დღეს, დატვირთული არის აუარებელი საქმით, პარლამენტი კი თუ შესაძლებლათ დაინახავს, ამ საქმის გაძლოლას, ის ამას უფრო ადვილად შეასრულებს: გამოყოფს სათანადო კომისიას და მას ჩააბარებს. რასაკვირველია, იმ პირობით, რომ მთავრობა მთელ თავის მზა-მზარეულ აპარატს საარჩევნო საქმისათვის ამ კომისიას გადასცემს. ასეთია ჩვენი აზრი. ამ კომისიას დაერქმევა რესპუბლიკის ცენტრალური საპარლამენტო საარჩევნო კომისია. შემდეგ აღიძრა საკითხი შესახებ ადმინისტრაციაში და ჯარში მოსამსახრეების საარჩევნო უფლებებისა. შესახებ ჯარისა დიდი ხმის უმრავლესობით, კომისიამ გადასწყვიტა: ჯარს, ანუ უკეთ რომ ვთქვათ, ნამდვილ სამხედრო სამსახურში მყოფთ, აქტიური საარჩევნო უფლება არ მიეცეს. მათ მიეკუთნათ მხოლოდ პასიური საარჩევნო უფლება. მთავარი მოსაზრება, ბატონებო, რომელიც საფუძვლათ დედო ასეთ გადაწყვეტილებას, შემდეგია: ის მდგომარეობა, რომელსაც განიცდის დღეს ჩვენი სახელმწიფო, საერთოდ და კერძოდ ჯარის მოწყობის საქმეში გვაჩვენებს, რომ სხვანაირათ ვერ მოვიქცევით. რაც უმდა მტკიცე საფუძვლზე იყოს ჯარი მოწყობილი, რაც უნდა მტკიცე იყოს მისი დისციპლინა თუ იგი პოლიტიკურ ბრძოლაში ჩაერია,—თავის თავად ცხადია,—და ეს ჩვენ წარე განე ცდილობამ დაგვანახვა—შექმნილი ატმოსფერა გა-



დატანილი იქნება ყაზარმაში და თუ რა შედეგები მოჰყვება ამას, ეს აშკარაა. ორში ერთი: ან, აუცილებლათ საჭიროა, რომ, ჯარი, მტკიცე საფუძველზე აგებული, მტკიცე დისციპლინით გამსჭვალული, მუდმივ დარაჯათ ედგას ჩვენ დემოკრატიულ რესპუბლიკას, და მამასადამე, თავიდან უნდა ავიცილოთ ყველაფერი, რაც ამას ხელს შეუშლის, ან მეორე—ჩვენ ასეთი შეიარაღებული ძალა არ გვსურს, მამასადამე, მაშინ საკითხი უბრალოთ გადაიჭრება. კომისია პირველ აზრს იზიარებს და ამ მოსაზრების გამო, ჩვენ იძულებულნი ვართ ჯარს აქტიური საარჩევნო უფლება ჩამოვართვათ. ერთი ფორმალური მოსაზრება კიდევ. ჩვენი ძირითადი კანონების ერთი მუხლი, მგონი მეთოთხმეტე, ამბობს: „რესპუბლიკის ჯარი პოლიტიკის გარეშე სდგას“-ო. ასეთია, მამასადამე გადაწყვეტილება ჯარის საარჩევნო უფლების შესახებ. რაც შეეხება ადმინისტრაციას (უფრო ფართოთ რომ ავიღოთ, იქ იმავე მუხლში მეხუთე პუნქტი გახლავთ, ამ პუნქტის ძალით), მოსამსახურეებს ჩამოერთმევათ საარჩევნო უფლება. მთავარი მოსაზრება კომისიისა ასეთი გახლავთ, რომ თავის თავათ ცხადია, არჩევნების დროს, ის მთავარი ორგანო, იქნება ეს მთავრობა, თუ იქნება საპარლამენტო კომისია, არჩევნების დროს უნდა დაეყრდნოს მზა-მზარეულ ძალას, რომელიც კანონიერების დაცვისთვის უნდა გამოიყენოს მან, და რომელიც არ შეიძლება ჩაერიოს ამა თუ იმ მხარის დამცველად ან პოლიტიკურ რწმენის აგიტატორად ან პროპაგანდისტათ გამოვიდეს. (ეს გახლავთ მთავარი მოსაზრება კომისიის ურავლესობისა. და ამ მოსაზრებით ადმინისტრაციის მოსამსახურეებს ჩამოერთმევათ საარჩევნო უფლებები). მართალია პროექტში ნათქვამია ადმინისტრაციის მოსამსახურეებო, ადმინისტრაციის მოსამსახურეები არიან, მაგალითად, შიკრიკები, მწერლები, და სხ. კომისიის აზრით საარჩევნო უფლება არ ექნებათ იმათ, ვისაც დაეკისრება აქტიური გამოსვლა წესიერების და კანონიერების დაცვის დროს. ესეც ადმინისტრაციის შესახებ. ყურადღება ჰქონდა მიტეული კიდევ შემდეგ საკითხს: პროექტის ძალით, საარჩევნო უფლება ეძლევა რესპუბლიკის ყველა მოქალაქეს, რომელიც 19 წლისა შეუსრულდება. როგორც იცით რუსეთის დამფუძნებელ კრების არჩევნების დროს 20 წლის მოქალაქეს ჰქონდა უფლება მიეღო მონაწილეობა არჩევნებში. სხვა სახელმწიფოებშიაც ყოველ შემთხვევაში, არა აქვს უფლება მიიღონ მონაწილეობა, მაგრამ ერთი მთავარი მოსაზრება იყო ერთხმათ მიღებული კომისიის ურავლესობისაგან. ეს გახლავთ შემდეგი. ჩვენში რაკი უმთავრესად, ბუნებრივი პირობები ცხოვრებისა ისეთი არის, და სკოლამ, რომელიც გაიარა ხალხმა, მეტადრე ამ ორი სამი წლის განმავლობაში ისეთი დიდი ნაყოფი მოიტანა, რომ პოლიტიკურად 19 წლის ვაჟაკი და ქალიშვილი, უკვე საკმარისად მომზადებული არის, იმდენად მომზადებული, რომ სრულებით შეგნებით მისცეს ხმა ამა თუ იმ პარტიას.

მე უკვე მოგახსენეთ, რომ კამისიაში ამ დებულების შემუშავებას შეუდგნენ ჯერკიდევ იენისის გასულს. მაშინ კამისიას იმედი ჰქონდა რომ დაახლოვებით მარიამობის თვის გასულს ის შესძლებოდა, რომ მოეწყო უკვე არჩევნები, და დაუყონებლივ დაეყოლებინა სათანადო მუშაობას. მაგრამ, დღეს უკვე 24 ოქტომბერია, და როგორც ხედავთ, მხოლოდ პირველად ისმის ეს საბოლოო პარლამენტის წინაშე.

რამდენი ხნის განმავლობაში უნდა მოეწყოს ცენტრალური კამისიის მუშაობა, და საარჩევნო კომისია ეს სადავო არ იყო კამისიისთვის. რაც შეიძლება ჩქარა უნდა მოხდეს ეს არჩევნები. საბუთის მოყვანა მეტი არის, არა მგონია, რომ ამ საკითხის გარშემო სხვა და სხვა აზრი იყოს. ყოველ შემთხვევაში



ყველა ფრაქციის წარმომადგენელმა. თავისი აზრი განაცხადა, ასე რომ პარლამენტის აზრი გამოიხატა. მაგრამ რაკი დაგვიანებულია ამ პროექტის მიღება, ეხლა წინ გველოდება ჩვენი ქვეყნის სხვა და სხვა ბუნებრივი პირობები. წარმიდგინეთ, რომ ჩვენ ერთი კვირის შემდეგ, აპარატი უკვე მოვამზადებთ მოვრივთ აღწერა ასე, რომ შეძლება გვეძლება არჩევნებს შეუდგეთ. დაახლოვებით დეკემბრის გასულს. მაგრამ, რასაკვირველია, ეს კამისისა შეუფერებლად მიაჩნია, და აი რატომ: ბარში რასაკვირველია, ეს შესაძლებელია, და მით უმეტეს, რომ შედარებით ცხოვრების ნორმალური პირობები შეიქმნა ანარქიულ გამოსვლებს ადგილი აღარა აქვთ, სოფლად ნაყოფიერი მუშაობა გაჩაღდა, და საჭიროა რაც შეიძლება, მალე შევქმნათ დამფუძნებელი კრება, მაგრამ რა უყოთ ჩვენ მთებს, სვანებს, ფშავ-ხევსურეთს, მთიან ადგილებს? თქვენ კარგად მოგესხენებათ, რომ ეხლა უკვე დაგვიანებულია, რომ აღწერისთვის იქ ხალხი გავგზავნოთ. ამის შესახებ კამისის აზრი ისეთია—რაც შეიძლება ჩქარა მოხდეს არჩევნები, მაგრამ შეუძლებელია პარლამენტმა სთქვას, რომ ამ დაბრკოლების გადალახვა შესაძლებელია. ყოველ შემთხვევაში, კამისის აზრი ისეთი არის, რომ პარლამენტი მოაქცევს ამ საკითხს ჯეროვან ყურადღებას და თავის ავტორიტეტულ აზრს გამოხატავს.

თქვენ, ხარჯთ-აღრიცხვაში შეამჩნევთ, რომ აქ ზაქათალის ოლქი გამოყოფილია. ცალკე ხარჯთ-აღრიცხვის განმარტებით ბარათი, რომელიც აქვს ამ ხარჯთ-აღრიცხვას, თქვენ გეტყვით, თუ როგორ უქქერის კამისისა ამ საკითხს. ზაქათალის ოლქი, რაღაც გამოურკვეველ მდგომარეობაში არის. ის კიდევ არის, და თითქოს არც არის საქართველოს ტერიტორიის შემადგენელი ელემენტი. მაგრამ კამისის, აზრი ისეთი იყო, რომ ზაქათალის ოლქი, ფორმალურად, რასაკვირველია საქართველოს ეკუთვნის და რაკი ასეთია ფაქტური მდგომარეობა კამისისა ანგარიშს არ უწევს, არ აქცევს ამას ყურადღებას, გმყარება იგი მხოლოდ ფორმალურ მდგომარეობას და ამისთვის, ზაქათალის ოლქი შემოტანილი არის ხარჯთ-აღრიცხვაში.

ამ ბოლო დროს, ბათუმის ხელშეკრულებით, რომელიც დადეს ოსმალეთთან შესახებ ახალციხის და ახალქალაქის მაზრისა, რომელიც თითქმის განუყოფელი, განუყრელი ნაწილია ტფილისის გუბერნიისა, ამ ხელშეკრულების ძალით, მეორე მუხლის ძალით, ეს მაზრები უნდა ოსმალების ხელში გადასულიყვნენ. მაგრამ ჩვენ ვიცით ის, რომ ამ შეთანხმებას ერთი თვის ვადა ჰქონდა, ეს ერთი თვე უკვე გავიდა და რატიფიკაცია არ მომხდარა. მაშასადამე, ფორმალურად, თუ არ მიაქცევთ ყურადღებას იმას, რაც მათ შემდეგ მოხდა, ფორმალურად, ეს ორი მაზრა ისევ ტფილისის გუბერნიისაშია. ბოლო ამბებიდან ვიცით, რომ ორ ამ ჩვენ მაზრას ოსმალეთის ჯარი სცლის, და საქართველოს მთავრობას უკვე სათანადო ნაბიჯები აქვს გადადგმული, და საჭირო ჯარი არის გაგზავნილი, რომ მან დაიპიროს ეს ადგილები. აი ეს ჩვენ გვიკარნახებდა, რომ ეს ორი მაზრა შეგვეტანა ჩვენ საარჩევნო ქსელში საქართველოს დამფუძნებელ კრების საერთო ოლქში. მაგრამ ეს დებულებაში არ გახლავს აქ, ეს უკანასკნელი კვირის გადაწყვეტილებაში მოხდა და იმიტომ მოგახსენებთ, რომ მიაქციეთ ყურადღება.

რაც შეეხება ხარჯ-აღრიცხვას ამ ორი მაზრისას, ეს ცალკე არ გახლავთ წარმოდგენილი, დაახლოვებით იქნება იმდენი, რამდენიც, მაგალითად დასჭირდება ერთ რომელიმე უდიდეს მაზრას, ან თელავისას, ან დუშეთისას დაახლოვებით ასეთი ხარჯთ-აღრიცხვა შეიძლება.

აქვე წამოყო თავი ერთმა საკითხმა: პროექტის თანახმად, დამფუძნებელი



კრების წევრების რიცხვი ნაგარაუდგეია 120, მაგრამ რაკი ეს ორი მაზრა არის შეტანილი, კომისიამ დასვა საკითხი: დარჩეს ისევე 120, თუ მოემატოს? კომისიამ გადასწყვიტა დაახლოვებით, რომ გამოვიანგარიშოთ ორი მაზრის შემოსვლით ემატება რვა დეპუტატი. მაგრამ თუ მივიღებთ ჩვენ მხედველობაში, ამ მთავარ დებულებას, რომელიც საფუძვლად დაედო ამ გადაწყვეტილებას, რომ 120 წევრი იყოს და არა ნაკლები, თუშეცა კომისიის ზოგიერთი წევრები, უმთავრესად ფინანსიური მოსაზრებით, ამბობდნენ, რომ მძიმე ტვირთად დააწვება ხაზინასო, მაგრამ კომისიის უმრავლესობამ ისეთი აზრი გამოსთქვა, რომ დამფუძნებელი კრების წევრების რიცხვის რაოდენობას დიდი მნიშვნელობა აქვს. საჭიროა მოისპოს ერთი არა ნორმალური მდგომარეობა, რომელიც არის დღეს და რომელიც იყო წინადა; ერთი და იმავე დეპუტატს უხდებოდა ოთხხუთ კომისიის წევრად ყოფნა, და ამიტომ ფერხდებოდა კომისიების მუშაობა. ეს უმთავრესი მოსაზრება ლაპარაკობდა იმაზე, რომ წევრთა რიცხვი გაგვედიდებინა 130-მდე. თუ მივიღებთ მხედველობაში ჩვენში არსებულ პირობებს, რომელიც ადგილობრივ თვითმართველობაში არის,—აი მაგალითად, სატახტო ქალაქში საქართველოში, ტფილისის საბჭოს ჰყავს 120 დეპუტატი, თავის თავად ცხადია, რაკი მოუმატეთ ორი დიდი მაზრა, რომ არ შერყეულიყო პრინციპი დამფუძნებელი კრებისა, ამისთვის გავადიდეთ წევრთა რიცხვი, 120 მაგივრად, მონავალ დამფუძნებელ კრებას ეყოლება 130-თი დეპუტატი.

რუსეთის კანონის ძალით, სავალდებულო იყო, რომ თვითეულ ამრჩეველს, ქალაქში იქნება ეს თუ სოფელში, უსათუოდ მიეცეს, ეგრეთ წოდებული, პირადლობის ბარათი, საბუთი, მისი ვინაობის დამამტკიცებელი. კომისიამ ეს კანონი სავალდებულოთ დასტოვა ქალაქებისთვის, სწორედ ისეთ ქალაქებისთვის, სადაც ორი ათასზე მეტი მცხოვრებია. რაც შეეხება პროვინციას და დანარჩენ წერილმან ქალაქებს და დაბებს, ეს, კომისიის აზრით ზედმეტი გახლავთ იმით, რომ კომისია, რომლის მოქმედება უნდა ვრცელდებოდეს ისეო მანძილზე, რომლის რადიუსი, რომლის სიგრძე ორ სამ ვერსტის მეტი არ არის,—თავის თავად ცხადია, ადგილობრივ ელემენტებისაგან შემდგარი, კომისიას პირადად, ეცნობება ყველა ამომრჩეველი და ასეთი ფორმალური დამტკიცებული საბუთი სულ ზედმეტი არის.

აქ, როგორც კომისიის წევრებს, ისე ფრაქციებს დაურიგდათ ნიმუში იმ აღწერილობის ფურცლასა, რომელიც, კომისიის აზრით საჭირო არის. ამ აღწერილობის ფურცელში უმთავრესი მნიშვნელობა მხოლოდ ერთ გრაფას აქვს, და იმაზე მე მსურს შევაჩერო თქვენი ყურადღება. აქ მე-7-ე პუნქტში არის ნათქვამი: სად არის მიწერილი 1914 წ. ივლისის 19-ე ძველი სტილით.

აი ეს მე-7 გრაფიცი საყურადღებო იყო კომისიისთვის, და, მე მგონია, რომ ეს საკითხი სადავო არ არის. თქვენ გამოცდილებით იცით, რომ მოძალაქეობის კანონმა, სადაც, სხვათა შორის, ნათქვამია, რომ მოქალაქეთ ჩაითვლება ის, ვინც რომელიმე ადმინისტრაციულ ერთეულთან არის მიწერილი, მთელი რიგი გაუგებრობა გამოიწვია ცხოვრებაში ვატარების დროს და დაგვანახა, რომ საჭირო არის განმარტება ამ კანონისა, იმისთვის რომ, ამ კანონის ვატარებამ ცხოვრებაში რაიმე გაუგებრობა არ გამოიწვიოს. თავის თავად ცხადია, რომ, როცა ამ წერილებს ავხანით სოფლად, უპირველეს ყოვლისა ისეთ სოფლებში და ჩვენ ქვეყანაში ისეთი მხარეები ბევრი არის, სადაც ეთნიურად არეული მცხოვრებლებია იქ,—თავის თავად ცხადია, მათ წინ გადაელობებით დაბრკოლება. ამ წერილებმა უნდა გამოიკვლიონ ესა თუ ის მოქალაქე არის საქართველოს რესპუბლიკის მოქალაქე, თუ არა. აი მაშინ როგორ უნდა მოიქც-



ნენ აქ დებულების მეორე თავში, მესამე მუხლში აშკარად არის ნათქვამი, თუ ვისა აქვს საარჩევნო უფლება. აქ არის ნათქვამი, რომ საქართველოს რესპუბლიკის მოქალაქეს, ვინც უნდა იყოს, მიუხედავად ეროვნებისა და სარწმუნოებისა, თუ კი ცხრამეტი წლისა არის, მას უფლება ეძლევა, აქტიურ და მასიურ საარჩევნო უფლებისა.

მაშასადამე, სად არის მიწერილი, ასეთი რედაქცია გააკეთა კომისიამ— თუმცა კომისია გრძნობდა თითონ, რომ ეს რედაქცია მას არ აკმაყოფილებდა, მაგრამ, თუ ჩვენ მხედველობაში მივიღებთ იმას, რომ ყოველ შემთხვევაში ჩვენ უნდა მოვიწვიოთ ისეთი ამწერლები, უსააუოდ უნდა დავეყრდნოთ საშუალო სასწავლებლების მოწაფეებს, სტუდენტებს, თავის თავად ცხადია, რომ ყველა ესენი შეგნებულად მოეკიდებიან საკითხს და არავითარ გაუგებრობას არ ექნება ალაგი. იურიდიულმა კომისიამ მიაქცია ყურადღება ამ საკითხს და შეიტანა ასეთი შესწორება. მეოთხე თავის ოცდამეთერთმეტე მუხლში, სადაო სწორედ ამაზეა ლაპარაკი, აქ უფრო გარკვევით სახავს ამ საკითხს, მაგრამ, ყოველ შემთხვევაში, შეიძლება პარლამენტმა მსჯელობა იქონიოს ამის შესახებ და უფრო გარკვეული აშკარა და ყველასთვის თვალსაჩინო ფორმულა გამოიხოს, ისეთი რომ აღწერის დროს არავითარი დაბრკოლება არ გადაეღობოთ წინ საარჩევნო კომისიის მიერ გაგზავნილ პირებს.

ასეთია საერთოდ ის მოსაზრებები, რომელზედაც, თქვენ მიერ არჩეულ კომისიას საჭიროდ მიაჩნია მიაქციოს ყურადღება პარლამენტისა.

მხოლოდ ორიოდ სიტყვა უნდა დაუმატო კიდევ. მე უნდა მოვახსენოთ, რომ იურიდიულმა კომისიამ მიიღო ყველა ის შესწორებები, რომელიც ჩვენმა კომისიამ გაიზიარა და მიიღო ყველანი, მხოლოდ ერთი შესწორება იურიდიულ კომისიისა უარყოფოლ იქმნა საარჩევნო კომისიის მიერ. ეს შესწორება, თუ არ ვცდები ეხება ადმინისტრაციის მოსამსახურეების მონაწილეობას არჩევნებში. დანარჩენი შესწორებები მიღებული გახლავთ.

რაც შეეხება ხარჯთ-აღრიცხვას, საფინანსო კომისიას ამ ხარჯთ-აღრიცხვაში არავითარი შესწორებები არ შეუტანია მიიღო ეს და თავისით კიდევ დაუმატა თანხა. აქ, საერთო თანხა, რომელიც საჭიროდ მიაჩნია საარჩევნო კომისიას, არჩევნების მოსაწყობად და ცხოვრებაში გასატარებლად გახდა 31/2 მილიონი 400 ათასი მანეთი. საფინანსო კომისიას ეს თანხა გაუდიდებია და აუტანია 4 მილიონამდის. რამდენადაც მე ვიცი, საფინანსო კომისიას ჰქონდა მთავარი ის მოსაზრება, რომ ის ციფრები, რომელიც მოყვანილი არის აქ, ის განმარტებითი ფასები, რომელიც აქ ნავარაუდევია, ეს ფასები მოყვანილი არის მაშინდელი, ივნისის ფასების მიხედვით. მაგალითად, კონკრეტული ფაქტი: ოხმა ქალაქისა ნავარაუდები არის ოთხი თუმანი, მაშინ, როდესაც, დღეს უბრალო ქალაქი, თუ იშოვეთ ღირს შვიდ-თუმან ნაგევარო. მაგალითად აქ ნავარაუდები გახლავთ საქმის მწარმოებელის ანგარიში მისი ჯამაგირი ნავარაუდები გახლავთ 750 მან. თავისთავად ცხადია, რომ ის ფასები, რომელიც ივნისში იყო, დღეს უკვე მცირე გასამრჯელოა. მართალია ეს შეიძლება დაუბრუნდეს კომისიას შეიცვალოს, ფიქსაცია იგივე რჩება, მაგრამ მომატება, თითქმის ნახევარ მილიონისა იმითია დასაბუთებული, რომ შეიძლება გაცილებით მეტი ხარჯი მოუვიდეს ამ საარჩევნო კამპანიის ჩატარებას, იმაზე მეტი, რაც არის ნაანგარიშევი. უნდა გავიმეორო, რომ ეს თანხა გადიდებულია, რაკი ორი მაზრა მომატებული ახალციხისა და ახალქალაქისა.

აი ის საერთო მოსაზრებანი, რომლის გაცნობა პარლამენტისთვის საჭი-  
რთ დაინახა საარჩევნო კომისიამ, და რომელიც მე, შეძლების დაგვარად შე-  
ვასრულე მაშასადამე მთავრობამ დააკისრა ცენტრალურ საარჩევნო კომისიას  
შემდეგი: ჯარის მონაწილეობის და ადმინისტრაციის მონაწილეობის შესახებ,  
ასწიოს რაოდენობის რიცხვი წევრებისა, და სხვა ასეთი საკითხები, რომელიც  
აქ მოგახსენეთ. კომისიის აზრით საჭირო არის, რომ პარლამენტმა თავის ავ-  
ტორიტეტიული აზრი გამოსთქვას ამ საკითხების შესახებ.

**თავმჯდომარე.** წინადადება არის შემოტანი კრება გადიდოს. ვინ არის  
წინააღმდეგი? არავინ. მაშასადამე კრებას ვხურავ.

კრება დაიხურა ნაშუადღევს 3 საათზე და 55 წ.

